



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Pars Secunda. De moderandis animi affectionibus, & de studio virtutum.

urn:nbn:de:hbz:466:1-10805

adversa omnia tolerare. Temperantiae actus eliciuntur, quia mens orantis à terrenis & corporis abhorrens, coeli delitias degustat. Dona quoque Spiritus sancti vim suam exerunt, quia intellectus de æternis illuminatur, Dei sapientia fruatur, ipsique Deo appropinquans omnes creaturas scientias dono pro nihilo habet: tum luce ube-

riori perfusus in rerum agendarum dispositione per donum consilii non fallitur: ad orandum pro aliis pietate impellitur; Divinae Majestatis celitudine apprehensæ ejus timorem concipit, & ad multa pro Christo toleranda fortitudine robatur. Multis ergo virtutibus fulget, qui multum orationi incumbit.

P A R S I I.

De moderandis animi affectionibus, & de studio virtutum.

§. I.

Quærenda veritas, fugienda vanitas.

Veritatem omnes desiderant, omnes commendant, sed ubi ea sit, pauci cognoscunt: nam si scirent ubi esset, nihil amplius quererent, nihil præter illam amarent. Et quidem in rebus mortaliis eam non esse evidens est. Quidquid enim in aliquo loco est, nullo modo permanere potest, si illud, in quo est, non permaneat: mortalia autem esse definit, quia intereunt, ac propterea in illis non est veritas. Quærenda igitur est in rebus immortalibus, quæ verè sunt, & in æternum futuræ sunt: quærenda in virtute, quæ nihil aliud est, quam æqualitas vita in omnibus veritatibus consentiens, exclusa vanitate, & rerum pereuntium cohibito appetitu. Veritatem enim congruit homo, cum animi motus ratio regit, & spiritus Dei in eo dominatur. Quod si cupiditatum tyranico imperio subdit, à veritate in vanitatem defluit, & variis, ac contrariis perturbationibus agitatur, hinc timore, inde desiderio, hinc anxietate, inde inani lætitia; hinc rei amissæ dolore, hinc ardore adipiscendi quæ non habet; hinc acceptæ injuriæ cruciatu, inde studio vindicandæ. Hi sunt videlicet omnium malorum fontes, quæ miserrimam animam vexant, vanitas & voluptas. Oriuntur ex vanitate eorum omnium, quæ propriam excellentiam fore possunt, ardentissimum desiderium, magna sui aestimatio, aliorumque contemptus, & averseatio à veritate. Ex voluptate propensio illa procedit, quæ fertur homo ad cibum, & potum, ad ludos, & relaxations, & ad reliqua omnia, quæ corpo-

ri, & spiritui rebus terrenis occupato grata, & jucunda sunt. Hinc evagatio continua, & cordis effusio ad exteriora, quibus anima Deo vacua implere se studens, tota est in nugis & vanitatibus mundi, quærens homines, cum quibus recreetur, & confabuletur, & à quibus laudetur in desideriis, & vanitatibus suis. Hæc vero sunt, quæ homini carnali exosam reddunt Divinam Legem, & Euangelicam perfectionem. Euangelium siquidem nihil magis commendat, quam humilitatem: at natura corrupta semper inclinat ad superbiam. Euangelium prædicat poenitentiam, à qua homo maximè abhorret. Fides igitur est necessaria, quæ docet nos omnem veritatem; & hæc est victoria, quæ vincit mundum, Fides nostra. Filius Dei Patri consubstantialis, ut amorem nostrum à rebus terrenis avellendum esse doceret, fidem prædicationi suæ altissimam virtutum exercitatione conciliavit. Dicitas homines appetunt, pauper esse voluit: honoribus, & imperiis inhiant; abscondit se ne fieret Rex: contumelias intolerabiles esse arbitrantur; omne genus inuriarum sustinuit: calumnias detestantur, innocens damnari voluit. Vita ejus disciplina morum fuit, nec ullum à nobis peccatum committi potest, nisi cum appetimus quæ ille contempsit; aut ea fugimus, quæ ille sustinuit. Stultus igitur est qui vitam beatam in iis positam putat, quæ spernenda esse Christus docuit.

K

§. II.

§. II.

*Quanti momenti sit ad Christianam perfectio-
nem nihil vel minimum negligere.*

Ideo pauci ad perfectionem Christianae vitæ pervenient, quia majoribus vitiis jam superatis sibi vim inferre nolunt, ut minoribus resistant, quibus quotidie infestantur. Sensim ad graviores lapsus disponitur, qui segnis est in minimis, & minutissimis præcavendis: majora enim vicia, & extrema vel primo aspectu horrorem incutient, in minora faciliter labimur. Non solent homines ad eum infanire, ut unâ die omnes facultates suas dissipare & prodigere velint, sed paulatim hoc fit. Hæc modica, inquietum, impensa est, non minuit patrimonium, vix aliquid è cumulo detrahitur, adhuc ærarium integrum manet. Tum de aliis expensis eodem modo argumentantur, donec, quod singulæ non perfecerunt, omnes simul perficiunt, & qui dives erat, mendicus fit. Idem accidit in usu cibi & potûs: hoc parum est, nocere non potest, temperantia metam non transgreditur: atque ita paulatim ex minimis congeries fit, donec stomacho plus ingerimus quam ferre possit, & in graves ac sœpè incurabiles morbos incidimus. Magnæ occasionses serviendi Deo, actusque heroicis virtutum exercendi rarissimæ sunt; parvæ autem singulis pene momentis occurunt: idcirco oportet ad minima quæque attendere, singulos cordis motus observare, minuta quilibet desideria vincere, proprie voluntati refisteret, & noxiū sui amorem exterminare. Nemo repente fit malus, sed ut ait Sapiens, *Qui spernit modicā paulatim decidit* (Eccl. 19.1.) Omnis consolatio, quæ à creaturis accipitur, quantumvis innocens & exigua videatur, Divinam semper excludit: qui vero se subtrahit ab amicorum consuetudine, à vanis colloctionibus, ab omni exteriori solatio, solo Christo contentus, qui revera solus sufficit, ineffabili gaudio in ipso, & per ipsum fructus. Sicut expulso à quolibet loco uno corpore aliud subintrat, ne detur vacuum, ut docent Physici: ita anima, quæ omnia creata, atque omnem sui amorem a se expellit, Deo protinus repletur, in quo reperi omne bonum. Verumtamen pravus habitus ab infanthia contractus nos terrenis delationibus affigit, quæ præfentes sunt, & sensus percellunt; nec finit ad divina, & supernaturalia effulgere, & iis delectari, quia sunt remotissima à

sensibus nec nisi per fidem cognoscuntur. Ideo volutamur in carne & sanguine, nec unquam extra nos profilius, semper instabiles futuri, donec tandem rejectis terrenis consolationibus quiescamus in Deo, qui est pax nostra, & gaudium nostrum, rerumque omnium finis, & centrum.

§. III.

*Omnibus Christianis necessaria crux & ab-
negatio.*

Tota vita Christiani crux esse debet, & abnegatio: nemo autem crucis dulcedinem & suavitatem novit, nisi qui illam intimo animi sensu degulavit. Norunt experti, quantâ jucunditate sit plena; nam si modico tempore illis subtrahita divinâ dispositione fuerit, contristantur, & incident in amaritudines amarissimas. Et mundus quidem falso iudicio homines justos existimat esse infelices, quia pauperes, afflicti, & vulgo despiciuntur: ipsi vero se beatos putant, & in cruce gloriantur, quoniam sibi ex animi sententia omnia contingunt. Si pauperes sunt, hoc volunt: si afflicti, afflictione lætantur: si à cæteris spernuntur, sperti desiderant. Nulli autem beatores sunt, quam qui habent quod volunt. Impii vero, qui turpia, & obscena sectantur, tameri vulgi opinione beati censeantur, quia habent quod volunt, revera tamen miseri sunt, quia quod volunt nolle deberent. In cruce, & abnegatione præcipue consistit religio Christiana, & qui aliter Christi doctrinam amplectitur quam proposito crucis mysterio, ab Euangelii scopo longius aberrat. Multa Christus occultavit Apostolis, quæ tunc portare non poterant, sed ipsis adhuc infirmis, & nondum intelligentibus quæ dicebantur, se gentibus tradendum ad illudendum, & crucifixum aperte & palam prænuntiavit. Paulus recens conversis lac potum dedit, non escam, cuius nondum capaces erant: Christum tamen prædicabat crucifixum, Judeis scandalum, gentibus stulticiam: & cum multa scire, se nihil scire professus est nisi Christum, & hunc crucifixum. Vetus Ecclesia plura fidei mysteria Catechumenis occultabat, sed nunquam crucem Christi. Ideo fons Christiani cruce signatur, ne quis ejus ignorantiam erubescat. Absit Christiano in aliquo gloriari, nisi in cruce Domini N. IESU CHRISTI, qui factus est nobis sapientia à Deo, & justitia, & sanctificatio. Ipse per crucem redemit nos, nec quisquam



quisquam potest redemptionis fructu potiri nisi per crucem. Hinc necessestas indispensabilis orta est abnegandi seipsum, quod qui praestare recusat, Christi discipulus esse non potest. *Siquis, inquit, venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Et qui non bajulat crucem suam, & renuit post me, non potest meus esse discipulus. (*Luc. 14. 26.*) Et apud alium Euangelistam ait: *Si quis vult post me venire, abneget semetipsum, & tollat crucem suam, & sequatur me.* (*Matt. 16. 24.*) Qui enim voluerit animam suam salvam facere, perdet eam: qui autem perdidit animam suam propter me, inveniet eam. Non dixit abnegandam dumtaxat esse superbiam, crapulam, ebrietatem, luxuriam, divitias, possessiones, & alia, quæ extra nos sunt; nam hoc utique tolerabile foret: sed iubet etiam ut abnegemus nos ipsos, proprios scilicet affectus, & quidquid fuggerit & operatur in nobis spiritus Adæ. Hæc omnia prorsus à nobis revellere, ac rejicere debemus, & carnem nostram crucifigere cum vitiis, & concupiscentiis suis, vitamque Christi crucifixi in nobis exprimere. Durus est hic sermo carni, & sanguini, sed in hoc Christi fides, in hoc salus nostra constituit.

S. I V.

Fundamentum vitæ Christianæ est abnegatio.

Abnegatio primus lapis est spirituali ædifici sternendus. Quid enim prosunt altæ deo, rebusque divinis speculations, quid dulcia cum Deo colloquia, quid virtutum exercitationes, si nos ipsos in his quaerimus, & in superbiam elati nos colimus velut idolum, & pharisaico fastu cæteros aspernamur? Sapientior est omnibus Philosophis, qui se stultum credit; glorioſior cunctis Regibus, qui se omnibus inferiorem putat. Salus, virtus, & perfectio nostra non in sublimitate sermonis, non in signis, & mirabilibus; sed in cruce, in abjectione, & in improbiis Christi sita est: nec ullus unquam poterit aut salutem consequi, aut virtutem adipisci, aut perfectus esse, nisi abneget semetipsum, & resecatis omnibus vitiis ad exemplar se conformet, quod Christus crucifixus nobis ostendit. Advertendum tamen est, quod sicut Simeon Cyrenæus crucem portavit post JESUM, sed mortuus in ea non est: ita multi crucem asperriam portant, qui sibi adhuc vivunt, & ex proprio sui amore, non purè propter

Deum patiuntur. Quis cederet amorem sui in cruce locum habere, à qua tantoperè natura abhorret? Et nihilominus non pauci reperiuntur, qui duram crucem amplectuntur, ut de pœnis suis glorientur, & ab hominibus videantur. Hi sane crucem portant, sed nolunt cum Christo crucifigi: seipsoſ excruciant, sed nihil inde merentur, imò bonorum omnium jacturam faciunt. Solent plerique conqueri, res & negotia eos impedit, ne interiori pace fruantur: at reverā quidquid obſtit mentis nostræ tranquillitat, à nobis ipsis procedit, quia initio feedere cum propriis sensibus hoc vinculum dissolvit non patimur, ea omnia fugientes, quæ proprii commodis adversantur. Hoc est bellum intestinum, & turbulentum, quod inter rationem & appetitum jugiter erit, donec pars inferior superiori parere, & subjici didicerit. Si quis amicum haberet summā ſibi necessitudine conjunctum, cuius praefentiā ne uno quidem momento carere posset, cum quo edere, dormire, confabulari soleret; ab aliquo autem fide dignissimo moneretur, hunc perfidum proditorem esse, qui mortem illi dolosè tentaret inferre; omnis amor protinus in odium & in implacabilem inimicitiam converteretur. Porro hic amicus caro nostra est, cui blandimur, quam fovemus, cuius desideriis obsequimur: & hæc sub specie amicitia nos decipit, & vitam nobis non corporis aliquando morituri, sed animæ eripere conatur. Non sunt nobis fingenda prælia, & decernenda certamina cum absentibus & longè distan- bus adversariis; sed cum hoste doméstico quotidie decertandum, qui saluti nostræ semper insidiatur. Tollat homo ſeipsum à ſe, & nullum habebit in via salutis impedimentum.

S. V.

Quomodo adversus vitia, & pravas affectiones pugnari oporteat.

Attendendum solerter quid diligamus, quid ametuanus, unde gaudeamus, & contristemur; totum enim cor nostrum in his quatuor affectionibus est: & tunc ad Deum toto corde convertimur, cum nihil omnino diligimus, nisi ipsum, aut propter ipsum: cum nihil nisi eum, aut propter eum timemus: cum non nisi secundum ipsum aut dolemus, aut lætamur. Hi motus animi cum non reguntur, nos similes faciunt omni generi bestiarum: cum autem reguntur, omnino mansuecunt, & nos similes Angelis efficiunt. Hæc est nimis beatum

K 2

beata

beatae hominis vita, cum omnes affectus ejus rationi & veritati consentiunt, & tunc vocantur gaudia, & amores sancti: si vero non consentiunt, dissipant mentem, & vocantur libidines, & perturbationes. Monstra sunt quae vinci, & edomari non possunt, nisi continuo aduersus ea decertemus. Nec satis est in universum ac veluti acervatum actus elicere, quibus mores corrigerem, pravosque affectus coercere decernamus; in hoc enim generali apparatu pugnae, castigationis, abnegationis, & separationis ab omni solatio creaturarum, natura nostra ad malum prona nihil reperit, quod ipsam vexet, licet arma contra illam expedire videamur, ac propterea hujusmodi decretis non contradicit, immo virtutis eo modo, & quasi in idea conceptae pulchritudine delectatur, ipsam probat, & laudat, ipsique infideles, & Philosophi eam sic amplexi sunt. Inde multi decepti de vitiorum victoria inaniter gloriabantur, quia bonis desideriis naturam repugnare non sentiunt; at cum initio singulari certamine non vitia generatim, sed unum peculiariter aggrediuntur, cum pravum affectum insurgentem viriliter expugnare nituntur, cum aliquid quantumvis minimum tolerandum occurrit: tunc demum apparet quam vanae fuerint, & debiles praecognitae deliberationes. Singulas ergo, & peculiares occasiones, quae nunquam defunt, abriegandi seipsum, & pravas affectiones coercendi, observare oportet, & in his se fortiter gerere; nam sic animi motus sub rationis imperio reguntur, sic vitia eradicantur. Hoc autem fieri nequit sine contentione infatigabili, quae semper operetur: sine profunda attentione, quae omnia penetret, & perscrutetur usque ad radices: sine perpetua violentia, quae fixas cordis affectiones evellat. Motus enim voluntatis nostrae in Deum, ut potest contrarius inclinationi depravatae naturae, violentus est, & nisi subinde nova vis illi imprimatur, statim ad nos ipsos descendimus motu, qui infirmæ voluntati naturalis est. Sicut autem noxias & inutiles herbas in areolis hortorum impedit ne crescant, & radicibus evellere possumus; numquam tamen efficiemus, ne iterum suâ sponte nascantur: ita nonnumquam contingit, affectiones nostras eos studiò moderari, ut naturam mutasse videamur. Verum quidquid cursu ac diligentia ad hanc rem adhibeamus, semper natura in suo fundo corrupta est, aliosque motus inordinatos producit, ex quo sequitur a studio mortificationis numquam cessandum esse, numquam arma

deponenda. Quod si quis aliquando Deo jumento heroicum virtutis actus vel semel elicitur, hic solus sufficiens est ad omnem naturae repugnantiam deinceps superandam, & ad veram animi libertatem consequendam. Quidam viri sancti cum semel devictâ naturae contumacia ulcerosi saniem lambere, & fugere ausi sunt, omne postmodum morborum genus non solum sine stomachi fastidio, sed hilari etiam ac propenso animo contrectarunt. Tanti refert vel semel heroico actu viciisse se ipsum.

S. V I.

De sensuum exteriorum moderatione.

Quia solet vitiis via per oculos aperiri, eos omnino avertere oportet ab omni, vel momentaneo cuiusque rei aspectu, que ad peccandum alicere, vel à perfectione retrahere possit, eā prorsus accuratione, ac celeritate, quā quis à loco morboſo, & pestilenti recedit. Triplex autem est oculus, quo res creatæ conspicuntur. Primus est animalis, cum sola sensibili rei pulchritudine, & elegantia homo delectatur, & in ipsa exteriori specie immoratur, nec aliud considerat. Secundus est philosophicus, cum ex rei visuæ symmetria & concinnitate, discendi cupiditate intellectus excitatur ad ejus naturam, & proprietates investigandas. Tertius est Christianus, cum à visione creaturarum mens elevatur ad Creatorem, ejusque amore succeditur. Isto oculo vir fidelis res omnes intuetur, per hæc visibilia ad Deum invisibilem assurgens, qui est vera pulchritudo, à qua veluti à fonte omnes rivi creatæ pulchritudinis emanant, quia ipse est qui verè est, in quo res omnes verè sunt; nam in seipsis umbra sunt, & deficiunt, ac propriè non sunt. Omnim autem sensuum vita à re ipsis objecta dependet, sicut vita corporis ab anima. Oculorum enim vita in rerum visione consistit; vita aurium in harmonia, & vocum auditu; cum videlicet visus in aspectu rei pulchritudine delectatur, & auditus complacet sibi in vocum & organorum concentu. Ex hoc autem consequens fit, ut sensuum mors nihil aliud sit, quam separatio ab his, in quibus eorum vita subsistit. Nihil vero perniciosius vitæ Christianæ, quam vita sensuum: nam cum animæ facultates imaginationi, hæc sensibus corporis, nexus ferè indissolubili colligatae sint, commota à sensibus phantasia potentias rationales inficit, & immunit,



tat, trahitque voluntatem, ut pravis tandem delectationibus assensum præbeat: quod malum aliter evitari nequit, nisi sensus à noxiis voluptatibus retrahantur. Porro mors sensuum, de qua sermo est, duplice modo contingit, physicè, & moraliter. Physicè cum sensus omnino à suo objecto removetur, ut cum oculi ab omni etiam innoxia pulchritudine avertuntur, aures clauduntur quibuscumque sermonibus, & concentibus delectabilibus: moraliter cum sensus non à re ipsa, sed à rei fruitione divellitur, quando scilicet oculus videt, auris audit, sed à rebus vissi, & auditis omnis complacentia removetur. Prima mors, sive separatio securior, & facilior est, dommodo discrezione regatur: facilior est enim omnem pravæ delectationis occasionem evitare, quam moderacionem in ea servare. Altera gravi periculo expedita est, quia sensuum illecebrae magnam vim habent, & ob consensum, ac sympathiam potentiarum, facillimè animam deprimit ad carnales oblectationes. Et quia fere cum lacte sensibus blandiri didicimus, licet postea agnoscamus quām fluxæ sint, & vanæ eorum delectationes, & quām gravia inferant animæ detrimenta; magent tamen de illis præconceptæ notiones, & fixæ potentiæ imagines, donec longo meditandi usu, actibusque contrariis paulatim evanescunt, & solida Christianæ vitæ principia menti inseruntur. Spiritus est Deus, actusque purissimus, ad quem pertinere nemo potest, nisi nubes phantasmatum dissipentur, ipsumque corpus, & sensus continuo usu mortificationis spirituales quodammodo efficiantur.

§. VII.

De pugna adversus gulam, & carnem.

OMNIA bona exteriora, omnem seculi pompan, omnem voluptatem deserere & coercere, homini Deum timenti, studioque virtutum sedulè incumbenti non est difficile; at alimenta corpori subtrahere nemo potest; reficiendum enim est edendo, & bibendo, & quotidie urget ista necessitas. Sed quia hæc ipsa suavis est nobis, adversus hanc suavitatem pugandum est, ne infidetur concupiscentia, & quod salutis-causa facere cogimur, transeat in voluptatem, quæ plerumque praetire conatur, cum sequi debeat. Naturali indigentia pauca sufficiunt, sed quod illi facit est, delectationi patrum est. Sæpè nescimus

strum sublídium petat inevitabilis corporis cura, an fallacia concupiscentia nos decipiat, & in hac incertitudine hilarescit infelix anima, ut salutis obtentu intemperantiam excusat. His tentationibus, quia quotidiana sunt, quotidie resistendum, & ea moderatione atendum corpus, ne metram necessariae nutritionis excedamus. Nihil salubrius animæ & corpori, quam parca, modesta, & frugalis mensa. Pravas affectiones facile moderatur, qui cibi & potus abundantia formitem illis non subministrat. Lautiores epulas, & convivia appetere, de illis loqui, ea meditari hominum est, qui terrena sapient, & quorum Deus venter est. Christianus vero, ut hominem peccantem decet, nec quidem de cibo cogitat, nisi urgente necessitate: tum ad mensam ea animali præparatione accedat ac si solo pane vesci, & aquam bibere deberet, ex quo fit, ut sit illi suavissimum quidquid superadditum fuerit. Id autem facile quisque servabit, si Sanctorum jejunia ac fere incredibilem abstinentiam mente revolvat, & sibi Christum imitandum proponat, felle & aceto potatum. Animus ad hæc intentus non attendit ad escas. In pugna vero adversus carnem removendum primum est omnis tentationis occasio, servata in omnibus modestia, & severitate, omniumque sensuum continentia. Omnium deinde mulierum evitandum confortium, quoniam magna in diverso sexu vis fomitis est, & ad id uterque fertur, ad quod provocat lex naturæ; etiam pars superior contradicit: nam menti infigitur corporalis figura, & saepè recurrat influens cordi insanabile vulnus. Cavendum denique, ne nimia nos fiducia decipiatur, nam qui non timet, jam lapsus est.

§. VIII.

De malis lingue, & de bono silentii.

Dificile est paucis explicare quot mala & danina ex lingua proveniant. In multiloquio non desistit peccatum, Spiritus Sancti sententia est (Prov. 10: 19.) loquacitas enim fons est vitiorum, indicium ignorantiae, argumentum stultitiae, fervoris extincio. Omnis ferè sermo ex superbia procedit, nam loquimur, ut doceamus, ut nos sapientes esse & prudentes ostendamus. Sibi quisque persuadet se multa scire, quæ libenter effutit, ut aliquid esse videatur. Sicut a corruptus sensim attractus inficit corpus, ita loquacitas animam vitiat, ejusque robur enervat.

K 3

Inde

Inde enim proveniunt dissolutiones, querelæ, detractiones, mendacia, rixæ, scurrilitates, & omnia mala. Frustrà laborat, ut donum orationis, & internam pacem obtineat, qui frænum & custodiam ori suo non ponit. Frustra satagit proprios emendare defectus, qui aliorum censor est. Hoc laqueo plerique involvuntur: alios reprehendunt, sibi adulantur: alios depriment, se & sua jactanter extollunt. Pauci admodum sunt, qui huic virtio renuntient, qui vitam suam ita irreprehensibilem exhibeant, ut non libenter alienam reprehendant. Tanta nimis hujus mali libido mentes hominum invasit, ut illi etiam, qui ab aliis vitiis longius recesserunt, in hoc, veluti in extremum diaboli laqueum infelicitè incident. Docuit me vir magnus, numquam se vidisse hominem loquacem in bonis operibus perseverasse. Magna itaque res est taciturnitas, per quam ab hominum confortio recedentes discimus cum Deo miscere colloquia. Lingua enim in vanum silet, nisi Spiritus cum Deo loquatur. Omnia quæ patimur, calumnias, persecutions, infirmitates, & animi afflictiones, silentium sanctificat: nam qui hæ tolerat, & tacet, sacrificat Deo corpus, animam, existimationem, facultates, & omnia bona sua: tum Christum imitatur, qui quasi agnus coram tendente se obmutuit, & non aperuit os suum: liber denique ab omni perturbatione, tranquillè fruitur sui ipsius possessione. Est quidem nonnunquam sui defensio necessaria, sed ingens cautela adhibenda, ne Christianæ modestiæ, & humilitatis moderamen excedatur. Vix autem accidit casus, in quo quis tueri famam suam teneatur, nisi aut munus publicum gerat, ad quod exercendum redderetur inhabili, si bonum ejus nomen per calumniam denigraretur: aut cum uni impositum crimen in aliorum dedecus vergit, quibus prospiciendum sit: aut cum quis à legitimo superiori de veritate interrogatur. Rebus in cæteris consultius est tam lingua, quā animo tacere, neque enim prodet exterior taciturnitas, si intus commoti affectus tumultuantur. *Obmutui*, ait Propheta, & *fitui à bonis* (Psal. 38.) Quod si à bonis sermonibus abstinere interdum oportet ob silentii præstantiam, quanto magis à noxiis, & inutilibus? Sapientissimus est, qui scit tacere, difficilius etenim est nosse tacere, quā loqui.

§. IX.

De bona, & mala delectatione, & de illorum infelicitate, qui præpostero fine virtutem colunt.

Nihil naturæ rationali verè, & ex se delectabile est, nisi vita secundùm virtutem: quæ enim vulgo delectabilia videntur, veram, & solidam delectationem non habent, quia sibi invicem adversantur, & quod uni placet, alteri displicet: quod uni dulce, alteri amarum videtur. Sic prodigus in effusione pecuniæ, avarus in ea custodienda & conservanda delectatur. Hæ si quidem delectationes non sunt secundùm rationem, quæ omnibus communis est, sed secundùm corruptionem appetitus à ratione deficiunt. Sicur palatum febricitantis certum judicium ferre nequit de sapore & condimento ciborum; ita nec sensus virtutis hominis capax est delectationis, quæ ex virtute percipitur. Et quidem bonum sensibile naturæ instinctu cunctis placet, sed qua moderatione placere debeat, & quid in usu illius servandum sit, pauci dignoscunt. Ad majora homo conditus est, quām ut serviat voluptatibus sensuum. Contemplatio & fruitio summi boni finis illius est: naturæ verò irrationalis finis est sensuum delectatio. Sed quia homo veritatem contemplari nequit, nisi per species, & phantasmatà sensibus accepta, nec potentiae rationales officio suo fungi possunt in corpore malè affecto; idè pertinet ad naturam hominis sui corporis curam rationalem & moderatam habere, ut potentiae corporales aptiores fiant, & alacriores ad sua munera excenda. Quod si quis finem constitut in his, quæ ad corpus spectant, ut si cibum sumat propter solam delectationem: hic procul dubio peccat, natura ordinem pervertens, quæ gratum cibo saporem indidit, ut eo alliceret ad necessaria vitæ alimenta, non ut in eo finem suum ponat, sicut bruta ratione carentia. Certum profectò est, non posse hominem in hac vita omni delectatione carere, nam vel terrenis vel cœlestibus delectatur; sed quò magis cœlestia appetit, è majori fastidio à terrenis abhorret. Utrisque simul, & æqualiter delectari memo potest. Multi quoque sunt, qui virtutis splendore, & pulchritudine magis quā ipsâ virtute delectantur. Ad amorem Dei aspirant, quia excelsus, & sublimis est: vitam ducunt duriorē, quia vis quædam & generositas animæ in ea eluet: pacem interiorem sectantur ejus

ejus suavitate illecti: viam salutis scire cupiunt, ut sciant, omnesque libros de ea tractantes evolvunt, ut pabulum præbeant curiositati: iter perfectionis arripiunt tumore quodam spiritu, & occulto amore propriæ excellentiæ: rerum sublimium notitiam querunt & lumina, quibus imbuti se ipsis fruantur, non Deo: volunt quæ sibi placent, non qua vult Deus; & hæc ipsa, quæ Deus vult, ideo volunt, quia delectant, non quia vult Deus. Sic cœco errore decepti dulcedinem possessionis magis amant, quam rem possessam: & cum maximè credunt le Deo servire, sibi obsequuntur, & nihil proficiunt, nihilque tandem invenient in manibus suis, nisi amorem sui & superbiam. Deus igitur querendus est in spiritu veritatis, propter ipsum solum non propter delectationem. Haec vita laborum, pugnae, & tenebrarum est: gaudium, quies, & tranquillitas futuræ vitæ reservantur.

§. X.

Opinione vivimus.

Constans omnium sententia est, opinione nos vivere, sed quanta sit vis opinionis non omnes percipiunt. Hæc dominium in homines, seu potius tyrannidem exercet variis ac miris modis: hæc felices, & miseros, pauperes & divites, sanos & infirmos pro suo arbitrio facit: nemo enim beatus, nemo dives, nemo incolunis est, nisi putet se esse. Hæc hominibus gaudium, hec tristitiam tribuit pro ut ipsis opinantur: nam hi affectus in opinione magis consistunt, quam in rei præsentis commodo vel incommodo. Gaudere solent plerique vel dolere ex præconcepta rei futuræ bonitate vel malitia, quæ major ex opinione semper est, quam re ipsa foret in re præsenti. Ipsa enim experientiâ didicimus, adveniente bono quo sperabamus, vel malo quo timebamus, hujus molestiam, & illius jucunditatem vel minui vel prorsus evanescere. Opinio item non solum operatur, ut quod futurum est, præsens fiat, sed insuper in unum redigit quæ per partes, & diverso tempore eventura sunt, totamque vim suam in momento exercet. Quis honorem, laudem, aestimationem hominibus præbet, eorumque operibus, nisi sola opinio? Totius orbis divitiae, & dignitates uni collatae non sufficiunt, ut his contentus sit, nisi opinio consentiat. Aman primus erat in regno Assueri, & opes immensas possidebat, & nihil-

ominus opinione suâ infelicissimus se nihil habere putabat, quia homo quidam captivus ingrediendi palatum ei non affurgebat. Est & aliud maximum malum opinionis; nam præsens tempus in longum extendit, & auger, ac si nunquam morituri simus: æternitatis vero interminabilem durationem defectu considerationis ita contrahit, ac minuit, ut de nihilo æternitatem, de æternitate nihilum faciat. Ipsa quoque vitia & peccata non ratione, sed opinione metimur; ex quo fit, ut plerique, dum vitium aliquod vitant, in contrarium currant. Sic exhorrens avaritiam, fit prodigus: inquietus fit, cuius pigritia reprehenditur: ad timiditatem declinat, cuius audacia arguitur. Provenit tandem ex opinione, quod de nobis ipsis non ex veritate, non ex sincero propriæ conscientiæ testimonio, sed ex falsa hominum existimatione judicemus. Tanta est vanitas, & amentia nostra, ut eâ vitâ minimè contenti, quæ in nobis ipsis vivimus, aliam chimæricam, & iranem queramus in idea, & opinione aliorum, qui nos sæpe nec cognoscunt, nec diligunt, & quorum judicia ipsismet aliquando contempsumus. Sic verâ vitâ neglectâ, illam ornare, & conservare nitimur, quæ ab aliis pendet, adeò ut ipsum scire nostrum nihil esse reputetur, nisi nos scire cæteri sciant. Ab his autem erroribus & illusionibus, nulla ratio liberare nos valet, nisi Divina gratia mentibus nostris verum lumen infundat. Vera enim vel falsa cuiusque opinio est, prout vero vel falso lumine imbutur.

§. XI.

Scientiam Salutis plerique contemnunt.

Bona est omnis scientia, quæ veritati consentit, sed qui satagit salutem suam cum timore & tremore operari, ea prius, & diligenter scire curat, quæ sunt viciniora saluti, quia tempus breve est. Nihil prodest homini multa scire, si sciendi ordinem, & modum neglexerit. Sententia Jacobi Apostoli est, *Scienti bonum facere, & non facienti peccatum est illi (Fac. 4. 17.)* Ac si diceret, sumenti cibum, & non digerenti perniciosum est ei. Cibus enim indigestus non nutrit, sed nocet: ita & multa scientia sine deleto animæ ingesta, nisi igne Charitatis concocta fuerit, ac in mores transfusa, in pravos & noxios humores converritur, & definit in damnationem. Duo sunt, de quibus homo, dum in hoc mundo peregrinatur, solitus esse debet, ut vitam sci-

scilicet animæ, quæ in gratia Dei consistit, & vitam corporis conservet. Sed vitam animæ plerique spernunt, omnisque scientia & intentio eorum, atque omne studium ad vitam corporis dirigitur, & in ea jucundè transfigenda versatur. Idecò tenebris & caligine multâ obsecrati post concupiscentias suas præcipiti cursu festinant, carnis quidem prudentiâ prædicti, sed scientiâ justorum destituti. Quod si hominibus odibiles est, ut Sapiens ait, qui sophistice loquitur (*Eccles. 37: 23.*) multò magis isti Deo odibiles sunt, qui sophistice vivunt, non solum in verbis, sed etiam in vita mendaces. Scientiam Déi, quam non habent, ostentant, & scire vias ejus volunt, ac si iustitiam quererent, à qua maximè alieni sunt: aliorum defectus vident, non suos: alios corrugunt, non seipso: aliena curant, non sua: cumque virtutis plenissint, virtutes, quibus carent, detestabili simulatione prædicant: mala verò, quibus abundant, sagaciter abscondunt. Sed Deum fallere nequeunt, cuius lumen sole lucidius intimos cordis recessus penetrat, & illuminans abscondita tenebrarum, quidquid in eo latet, in novissimo die manifestabit. Atque utram in hac æterna & splendidissima luce suas quisque maculas & imperfectiones perspicaret, facillimè cuique esset illas eluere, & emendare. Cum enim defectus nostros vel in se ipsis sive in nostræ cognitionis caligine, vel in splendoribus Divinarum perfectionum intueri possimus; prima cognitio hibernæ diei frigidæ, & obscuræ similis est: altera diei æstivæ fervidæ, & lucidissimæ comparatur, quæ suo fulgore minimas ac rere imperceptibiles animæ fordes detegit, ignemque accedit, quo comburuntur. Hoc autem lumen videre non potest, & ad Deum ire qui à se non exit, in solo Deo veritas est, & solida scientia; extra illum nihil est nisi ingens fabula & mendacium, atque flultitius.

§. X I I.

Damina propria voluntatis.

QUÆCUMQUE hic facimus propria voluntate Divinæ contraria, ligna sunt igne inextinguibili in futuro seculo comburenda. Etenim infernus nihil aliud est quam propria voluntas, quæ si non esset, nec infernus nec demones essent. Propterea omne malum, omnisque calamitas infelicitum damnatorum propria voluntas est, quæ Divinæ pervicaciter adversatur. Ita etiam

in hoc mundo, quo minus homo propriæ voluntati adhæret, eo magis ab inferno elongatur, æternæque felicitati appropinquat. Et si qui furent in hac vita propriæ voluntatis omnino expertes, hi sibi possent regni cœlestis possessionem certâ spe polliceri. Quomodo autem propria voluntas deponi debeat, paucis verbis Christus docuit cum dixit; *seque me* (*Math. 8. 22. Marc. 2. 14.*) Cum enim testatus sit se in hunc mundum venisse, non ut suam, sed ut Patris voluntatem faceret, ad hoc nostra voluntas inclinanda est, ut exutâ omni proprietate, Christi crucem amplectatur, naturæ amaram, spiritui dulcissimam. Hoc nimurum à nobis exigit Christiana professio, ut Christi exemplo in omni opere, & eventu dicamus, *non mea, sed Déi voluntas fiat*. Hoc requirit Suprema, & æterna voluntas, quæ omnes voluntates creavit & conservat, ut ad solum ejus obsequium & beneplacitum omnia opera nostra, omnia verba, & cogitationes dirigantur. Verà potitur libertate, qui in omni eventu sic ex animo loqui potest: Ita Pater, quoniam sic fuit placitum ante te. Ego nihil volo nisi quod vult Deus. Ille sapienter disponit omnia, ejusque dispositioni tam in prosperis, quam in adversis me libenter subdo, non meam sed ejus gloriam quærens, eo statu rerum contentus, quem ejus providentia ab æterno decrevit. Omnis turbatio hominum, & omnis anxietas ex eo nascitur, quod se subjecere Divinæ voluntati aut nesciunt, aut nolunt. Magna autem pœna & intolerabilis illis est, qui hoc esse nolunt quod sunt.

§. X I I I.

Utilitas solitudinis.

AD exteriorem & interiorem hominis positionem inæstimabilis momenti est, corpore & animo solitarium esse, & proprium fundum colere in silentio. Ideo vir sapiens fugit hominum confortium, edat multiloquium, cunctis curiositatibus oculos & aures claudit, non se negotiis immiscetur, sapientissimi viri silentiam in mente habens, *Qui minoratur actu percipiet sapientiam* (*Eccles. 38. 25.*) Deus unus, & solus est, nec ipsum reperire potest, qui solus non est. Quod si necessitas Deique gloria cogant aliquando virum sapientem exterioribus occupari, spiritus tamen ad interiore recessum veluti ad suum centrum tendit, ita ut magis in eo sit quam in

in opere exteriori, servatā inter negotiorum curas mentis tranquillitate. Licit illi quācumque horā voluerit in animum suum secedere, in quo sumnam quietem reperit, bene omnibus intus compositis. Qui vero occupatur in circumferentia, & extremitate creaturarum, ad centrum suum, quod est Deus, nunquam perveniet. Imperitis, & insipientibus peccata gravissima est, paucis horis secum vivere, & sibi attendere. Ideo omnem curam, & industriam ad hoc applicant, ut sui obliviacantur, & pretiosissimum tempus inutiliter prodigant. Ejus maximam partem usurpant sibi vitæ hujus necessitates, quod verò reliquum est, tanta illos molestia vexat, ut sollicitè querant, quomodo illius jaetoram faciant. Timent nimis, ne, cum soli sunt, de se cogitare cogantur: nihil enim in se reperiunt quod sibi placeat, & à seria sui consideratione avertunt se, solitaria querentes in creaturis, quia in se nihil inveniunt, nisi molestiam, tristium, & perpetuam agitationem. Fugient itaque à seipisis, quia animam suam non vident qualem desiderant, sed nudam, deformem, plenam miseriis, onus tam peccatis. Non igitur mirari oportet, quod pauci sint, qui ferre possint soliditudinem, & ferre omnes turbas, negotia, & multitudinem obsidentem querunt, & amant; & si haec defint, se infelices arbitrantur, semperque re ipsa infelissimi erunt, donec discant secum vivere, & in seipisis atque in Deo requiescere. Docuit nos Dominus paucos electos esse, cum multi sint vocati, ut discamus declinare à multis, & cum paucis vivere, atque etiam inter paucos timere, quia nemo scit in quantam paucitatem electi redigantur.

§. XIV.

Quantum noceant divitiae, & quomodo illarum amorem compescere oporteat.

QUAM sit perniciosus amor divitiarum, & quantum Christianis moribus, ac aeternæ salutis adversetur, discipulos suos Redemptor noster edocuit, cum præmissio juramento, ut in rebus gravissimis consueverat, ait: *Amen dico vobis, quia dives difficile intrabit in regnum cœlorum* (*Math. 19: 23*) Et quod altius haec terribilis sententia audientium cordibus infigeretur, rei difficultatem exaggerans adjectit: *Facilius est camelum per foramen acus transire, quam divitem*

intrare in regnum cœlorum. Porta siquidem cœlestis patrie angusta est, nec recipit divitiarum sarcinis onustos. Opes itaque & pecuniam ita diligere debemus, sicut ægrotus amaram potionem, quam ut amaram averatur, amat ut necessariam ad pristinam valetudinem recuperandam. Et ipsa quidem valetudo, cum finis sit, propter se amat, & sine mensura: pharmacum verò tantum diligitor, quantum satis est ad valetudinem, nec aliis æger aperitur, qui magnam pharmacorum copiam appetat, sed unicum, idque si fieri possit in minima quantitate, quam etiam prorsus rejiceret, si posset absque medicamine fanus fieri. Eodem animo erga divitias esse debet omnis Christianus, ut sint nostræ peregrinationis subsidia, non irritamenta cupiditatis; ut, quantum in ipso est, sine illis vivere cupiat; nam sicut ait Apostolus, *magnus queſitus est pietas cum sufficientia* (*1. Tim. 6: 6*) Sanctus quoque senex Tobias monita salutis tribuens filio suo, *Noli*, inquit, *timere filii*, *pauperem quidem vitam gerimus, sed multa bona habebimus, si timuerimus Deum, & reciperimus ab omni peccato* (*Tob. 4: 23*). Verè dives ille est, qui est dives aeternitati, qui non opum, sed virtutum fructus recondit. Studium congerendæ pecunia vix esse potest sine peccato, carnis siquidem & oculorum concupiscentia, atque superbia vita hominem vehementissime afficiunt; & quia pecuniis, quibus omnia obediunt, facile consequimur quidquid appetimus, amor divitiarum hac estimatione ardentissimus est, & ad omne scelus impellit, dummodo quocumque modo aicam nimis impleamus. Sicut pueri, cum testis ludunt, summa attentione ludo incumbunt, testas vero negligunt: ita nos debemus vitæ curam habere, ad quam opes necessariae sunt, ipsas vero negligere & ab his affectum avellere: nam si mens illis adhæreat, terræ affigitur, & deprimitur, & in vilissimam servitutem redigitur. Sicut etiam pueri, cum nubes projiciuntur, eas avidè rapiunt, & pro iis colligendis secum decertant; viri autem eas spernunt: eodem modo vir justus, & timens Deum, si aurum, argentum, dignitates distribuantur, viderint inquit pueri, mihi haec omnia nubes sunt. Si alio projiciente in finum meum nux inciderit, forsitan accipiam, & fractam comedam: at nunquam me inclinabo, nec alium evertam, ut tollam, quia mixta tanti non est. Nec tanti sunt omnia exteriora, quæ in bonis non esse habenda fides docet. *Filius L Dei*

Dei fatus homo divitias habere noluit, ut à nobis contemendas esse ostenderet. Ideo filii hujus seculi, qui spernere eas nolunt, Christum spernunt: filii autem Dei illic opes reponunt, ubi neque erugo; neque tinea demolitur, & ubi fu- res non effodiuntur, nec furantur. In hoc mundo satis est dives, qui paucus non indiget.

§. X V.

De usu divitiarum.

Quis sit proprius & legitimus divitiarum usus, pluci considerant: subsidia enim sunt humanæ vitæ, quas vir probus sine aliquo injuria congregat, sine affectu possidet, sine anxiate conservat, sine molestia erogat, & in usus necessarios honestè expendit. Cujusque autem necessitas ex proprii statū conditione aestimanda est. Cum enim aliqui superiores sint, alii inferiores; quidam nobiles, alii ignobiles: hinc sanè sit, ut in gradu sublimiori constitutis plures opes sint necessariae, ut honorificent ministerium suum: aliis verò pauciores sufficiant. Omnes autem bonorum suorum administratores sunt, quibus intra metam Christianæ modestiae tanquam fideles dispensatores pro se uti, & quæ supersunt egentibus largiri debent. Rerum nostrarum verus Dominus est Deus, nos econsumus, quæ consideratione etiam in affluentia divitiarum voluntariam paupertatem exemplo Sanctorum observare valemus, illud præstantes, quod scriptum est, *Divitie si affluant, nolite cor eponere (Psal. 61: 11.)* Natura aurum abdidit in visceribus montium, & in profundis, atque in accessis fodinis: & ideo avari qui aurum quærunt, & diligit, nusquam ad cœlum oculos elevant, sed ad terram proni sunt, in qua latet aurum, nec unquam ab illa emergunt. Sapiens verò rerum omnium interitum brevi futurum mente, & spiritu præveniens, à rebus infimis avulsum cor coelestibus applicat, ubi vera sunt, & in æternum duraturæ divitiae; illuc honorari desiderans, ubi nemo indigens honoratur: ibi regnare optans, ubi adepto regno nihil timetur. Omnia, quæ in terris possidet, immolat Deo, paratus his carere, si Deus voluerit. Porro cor nostrum alienum esse à divitiis facile his indicis cognoscemus: si firmiter credamus eas onus esse, earumque pondus sentiamus: si fastidio nobis sint, atque illis carere sine dolore possimus: si de illarum possessione non gloriemur: si per-

susum nobis sit, pretiosam supellefitem, magnificas aëdes, & reliqua ejusdem generis, propter quæ opes comparantur, nihil aliud esse quam trophyæ humanæ vanitatis, & salutis impedimenta. Nihil turbare nos poterit, si liberi iuermus ab omni opum affectu. Securus est, qui nihil potest amittere. Quemadmodum praestabilius est in angusto cubili bene valere, quam in amplio thalamo ægrotare: sic præstat in paupertate tranquillè vivere, quam in multis opibus mœstum esse. Animus suā forte contentus beatus est.

§. X VI.

Qui sunt pauperes spiritu.

Regni cœlestis possessionem in paupertate spiritus constituit Christus cum dixit, *Beati pauperes spiritu quoniam ipsorum est regnum cœlorum (Mattib. 5: 3.)* Verè autem pauper spiritu ille est, qui nec divitias desiderat, nec in his pacem habet: in cuius possessionibus & desideriis nihil est quod demi possit; qui multo majori anxietate metuit, ne dives fiat, quam filii hujus seculi ne incident in paupertatem: qui super omnia creata in sublime elatus è superiori parte spiritus sui sic loqui potest. Dives sum ego Dei gratiâ, & abundo, quia jam habeo quod concupisco, & hoc ipsum quod habeo sine adhæsione possideo, atque illo carere possum sine dolore, & detramento. Veritas incommutabilis in me manens ineffabiles divitias suas ostendit mihi, quarum possessione beatus sum. In ea veritate omnia continentur, & ultra ipsam nihil requiro. Ibi clarissime perspicio, quod ex me nihil habeo, nihil sum, nihil possum. Ibi clamat Veritas voce terribili, ut omnia inferiora quæ per se vera, & per se bona non sunt, & quæ non sunt unum cum ipsa, nullo modo audeant ad me accedere, aut animæ facultatibus aliquam sui speciem ingerere. Ibi video & cognosco omnia nihil esse, nihilque mihi contingere posse, nisi ipsa sempiterna veritas permittat, ipsa nimirum æterni Patrii æterna providentia, quæ me nudum in huic mundum de utero matris eduxit, & nudum inde extrahet in fini terræ sepeliendum tempore præfinito. Hæc ex sublimi scientiâ Sanctorum è throno Altissimi infusa, veid & ex animo effantur veri pauperes spiritu, & ideo ipsorum regnum cœlorum esse Christus afferuit, quia nihil in eis, quod terram sapient, reperitur. Atque uti-

822



ham hanc veritatem omnes Christiani bene perciperent, nam perituras Mundi divitias nemo quæreret, nemo diligenteret: sed sicut pauci sunt electi, ita pauperes spiritu pauci sunt. Dicit Scriptura beatum illum esse, qui post aurum non abiit, nec speravit in pecunia, & thesauris: & quia paucorum hæc virtus est, subdit, *Quis est hic & laudabimus eum?* fecit enim mirabilia in vita sua (Eccl. 31:8.) Verè siquidem mirabile est hominem reperire, qui nihil eorum concupiscat, quæ mundus admiratur, cui paupertas divitiae sint, qui vitæ humanæ subsidiis eā moderatione utatur, quam Lex æterna præscribit, atque omnia exteriora ita possideat, ac si sua non essent. Ideò pauci omnino sunt, qui ad hanc perfectionem perveniant, quia vitam ejusque commoda, quæ divitiis parantur, pauci sunt qui negligant, pauci qui Christo credant præcipienti, ut primò queramus regnum cœlorum, nam cætera adjicientur nobis (Matth. 6.) Idem serio admonuit nos, ne de cibo & potu, aut de vestimento solliciti simus, Pater enim cœlestis scit, quia his omnibus indigemus. Cur igitur Deo non credimus? cur de Patris prævidentia diffidimus? obstant nimis, ne credamus vincula cupiditatis, quibus irretiti aures claudimus veritati, atque humi defixi oculos in cœlum tollere non valemus. Angustus admodum tristes est, per quem veritas ducit hominem in cœlum. Hunc tenere non potest, nisi qui fuerit expeditus, & nudus. Locupletes autem ingentibus sarcinis onerati per viam mortis incedunt, quæ latissima est. Quid ergo prodet cunctis scilicet opibus astlare, si divitius carremus, quæ permanent in aeternum? Exules sumus, & peregrini, qui ad patriam pergimus, iter autem agenti per loca angusta, & difficultaria minuenda sunt, non augenda impedimenta.

§. XVII.

Quæ, & qualis sit obligatio faciendi eleemosynam.

Divitiae, quæ ad vitam corporalem, & ad decentiam statutū necessariae non sunt, sine periculo æternæ salutis retineri vix possunt, & in vanos ac profanos usus expendi, illæ præser-tim, quæ ex redditibus ecclesiasticis congregatae sunt, sed pauperibus subveniendis, vel ad honorem Dei erogandæ sunt. Laus omnis & bonitas pecuniarum

in usu consistit, vitiosæ & inutiles sunt, cum in arca servantur, cum nihil ex illis coelestibus thesauris infertur; cum soli possidenti serviunt, cum nec pauper auxilium, nec peregrinus solatum, nec alii egentes ex illis subsidium percipiunt. Opes, possessiones, thesauri, & alia ejusdem generis bona ab hominibus vocantur, non quod aliquem bonum faciant, sed quia ex his bonum operari possimus; piis enim largitionibus augetur justitia, sicut scriptum est, *Dispersi, dedi pauperibus, justitia ejus manet in seculum seculi* (Ps. 111:9.) Salomon quoque ait, *Redemptio animæ viri divitiae suæ* (Prov. 13:8.) Et alio loco, *Ignem ardensem extinguit aqua & eleemosyna resistit peccatis* (Eccl. 3:33.) Quemadmodum Christianæ fidei, & pietati nihil magis congruit, quam egenorum paupertati succurrere, & proprie conditionis in aliorum necelatibus meminisse: ita nihil crudelius, & magis noxiū, quam necessaria non solum egentibus, sed proprio etiam corpori subtrahere, ut congregentur opes, & haeredibus serventur, qui illas brevi tempore dissipabunt. Sed multo major, & numquam satis deploranda calamitas est animam suam perdere, ut alii ditescant. Quomodo vero & quando lethalem culpam incurant, qui superflua non erogant, hic non dispiuto; nam hoc speciatim determinare non est humanæ scientiæ, sed Christianæ prudentiæ, quæ docet unctione magistrâ, quid & quantum quisque debeat sibi adimere, ut indigentis vel gravi vel extremæ necessitatibz subveniat. Rursum quæ sit gravis, aut extrema necessitas, hic non exquo, sed audio Dominum sine distinctione præcipientem, *Quod supræst date eleemosynam.* (Luc. 11:41.) Audio Joannem Baptistam, qui prædicans penitentiam, & requisitus à turbis, quid illis faciendum esset, respondit: *Qui habet duas tunicas det non habenti, & qui habet escas, similiiter faciat* (Luc. 3:10.) Audio prophetam psallentem, *Beatus qui intelligit super egenum, & pauperem, in die mala liberabit eum Dominus* (Ps. 40.) Audio Esaiam qui ait, *Frange cœurienti panem tuum, & egenos vagosque induc in domum tuam: cum videbis nudum, operi eum, & carnem tuam ne despixeris* (Esa. 58:7.) Audio sanctissimum senem Tobiam his verbis filium instruentem: *Ex substantia tua fac eleemosynam, & noli avertere faciem tuam ab illo paupere: ita enim fit, ut nec à te avertatur facies Domini. Quomodo potueris, ita esto misericors. Si multum tibi fuerit, abundanter tribue:*

L 2 tribue:

tribue : si exiguum tibi fuerit ; etiam exiguum libenter impetriri stude. Præmium enim bonum tibi thesaurizas in die necessitatis , quoniam eleemosyna ab omni peccato , & à morte liberat , & non patientur animam ire in tenebras (Tob. 4: 7.) Quid amplius dici potest ? nam etiam de exiguo dandum esse eleemosynam monet , ut à peccatis , & à morte perpetua anima nostra liberetur. Sed & Apostolus audiendus est , quem diligebat JESUS , sic fidelibus scribens , Qui habuerit substantiam hujus mundi , & viderit fratrem suum necessitatem habere , & clauserit viscera sua ab eo , quomodo charitas Dei manet in eo ? (Joan. 3: 17.) Quod si caritas non est in illo , erit concupiscentia mala , & partem habebit in futuro seculo cum illo divite , qui inducitur purpura , & byssō , & epulabatur quotidie splendide , negata Lazaro mendico alimoniam de micis ab ejus mensi cadentibus (Luc. 16.) Clamat intus conscientia & magnis vocibus avarum divitem interpellat dicens , cur pauperem esurientem à te repellis ? Si non pavisti , occidisti . Panis qui tuis usibus supereft , esurientis est : nudi sunt vestes , qua apud te matescunt : egentis est aurum , quod in arca custodis . Christus in extremo iudicio æternis ignibus damnabit impios , quia misericordia operam indigentibus denegarunt : nam dicet , efurivi & non dedisis mibi manducare : furvi & non dedisis mibi bibere : nudus eram , & non operuisti me (Matib. 25: 42.) nec ullam gravissimam , sive extremai necessitatis mentionem facit . Vix enim totius vitæ decursu aliquis occurrit , tantâ pressus egestate , ut sine alterius ope vivere nequeat , nec aliis inveniatur , qui ei velit , & possit opem ferre , idque nobis certum sit . Raro haec conditiones concurrunt , & si istae attendendæ forent , nullus ferè locus eleemosynis relinquetur . Danda igitur eleemosyna est , ex eo præcise quod quis superfluum habet , nam misericordia plenitudo virtutum est , nec ut multi faciunt , ad vitæ finem differenda sunt piæ largitiones , longè enim minoris pretii apud Deum sunt quæ testamento legantur , quam quæ vivens , & retinere valens piæ liberalitate largitur .

S. XVIII.
Patientia necessitas.

In iter cæteras Christianæ disciplinæ partes , quæ ad vitam æternam consequendam necessitate sunt , nulla melior , nulla utilior patientia , per quam homo Dei longanimitatem imitatur , qui tot mortalium sceleribus provocatus patientissime tolerat , neminem à suis beneficiis excludit , solemque suum oriri facit super justos , & injustos . Patientia iram temperat , linguam frænat , mentem regit , pacem custodit , impetum frangit , tumultates extinguit , fastum comprimit , mundum vincit , carnem coercet , facit humiles in prosperis , in adversis fortes , mites in contumelias , tentationes expugnat , persecutiones sustinet , vitam perficit , & coronat . Ut nihil malorum fiat , haec sola efficit , quæ si omnes prædicti essent , nullum scelus , nulla fraus in rebus humanis foret . In hoc sapiens , ac bonus vir à malis & insipientibus differt , quia habet invictam patientiam , quæ illi carent . Magna itaque virtus est tolerantia , omnibus vitiis , & affectibus opposita , propter quæ vir justus variis adversitatibus à Deo probatur , ut mala , quæ inferuntur aut accident , æquanimiter ferre , sibi imperare , ac se regere diseat . Nam quia naturæ repugnare non possumus , nec impedire ne animus lacessitus injuriâ commoveatur , haec virtus necessaria est , quæ animum fluctuantem contineat , ne prosliat ad nocendum , atque hominem sibi reddat infennum . Ipsimet Philosophi maximis laudibus patientiam commendarunt , omnem sapientiae suæ ostentationem ex ea proferentes : sed apud illos sicut falsa sapientia , ita falsa patientia fuit : Deum enim ignorantes tantum à vera sapientia aberant , quantum ab ejus auctore distabant . Nos autem Christo docente didicimus , oportere nos per multas tribulationes introire in regnum Dei , & haec est vera sapientia scire Christum , & hunc crucifixum , ejusque crux dilgere , & alacriter ferre . Nam cum debeat Christiani vita Christi patientis redhibito esse , qui crucem aversatur Christianus non est . Nemo speret se futurum sine flagello , flagellat enim Deus omnem filium quem recipit : nullus excipitur , etiam unigenitus Filius , qui solus fuit sine peccato , non tamen fuit sine flagello : nam oportuit eum pati , & ita intrare in gloriam suam . Unusquisque



que hominum peccatis, & malis hujus vitæ aut exercetur ad purgationem, aut admonetur ad conversionem. Quantumcunque verò quis patiatur, ad Christi tormenta, ad ejus ignominiam, & crudeliam nunquam perveniet.

§. XIX.

Adversitatis exercenda virtutis occasio sunt.

Vita nostra via est, quā ad patram pergit. Nulla via conditio illi dēst. Itur aliquando per plana, aliquando per aspera: sunt loca amena, sunt fencicosa, sunt præterupta, & inaccessa. Aliquando turbæ comprimit, mox solitudo est. Sunt à bestiis pericula, sunt à latronibus. Nunc pluit, nunc sudum est. Oppositiones, & adversitatis ubique sunt, atque etiam in ordine gratiæ locum habet cuiusdam Philosophi sententia, *omnia fieri secundum litum.* Virtus enim non acquiritur sine oppositione, nec potest homo agnoscere quantum fortitudinis habeat, si desint adversitatis, & tribulaciones. Si quis stultorum vocibus, quorum immensa turba est, ad cœlum extolleretur, si nemo illi auderet contradicere, si mens illi pretiosis dapibus affluens sterneretur, si res ejus familiaris fideler administrata magnis sumptibus idonea foret, si ædificiorum excelsæ moles habitaculum illi præberent; si omnes in illum honores, omnes dignitates, omnes delitiae confluenter: quis esset adeo facundus, & eloquens, ut illi persuadere posset inania esse hæc omnia, quæ vulgus bona vocat, mala autem hujus vitæ Dei beneficia esse, quibus nos præparat ad æternam beatitudinem consequendam? Ideo electos suos exercet Deus adversitatibus, ut propriâ experientiâ discant, quām fluxa, & fragilia sint, quām plena miseriis quæcumque mortales bona esse arbitrantur: & è contrario quām bona sint, quæ homines mali, mala esse credunt, ac si nihil pati, maximum sit hominis bonum. Sapientis igitur est inter omnia contraria & obstantia Divinæ providentia lœto animo obsequi, & cor suum eo loco figere, ubi nulla pervenient vitæ hujus incommoda. Sæviant homines mali adversus bonos quantum voluerint, quantum permisisti fuerint; irruant in eos agmine facto cunctæ calamitates, non contristabit justum quidquid acciderit ei (*Prov. 12:21.*) Talem virum nec felicitas corrumpit, nec frangit adversitas; dicit enim in omni eventu, *Plane hæc*

*est infirmitas mea, & portabo illam (*Ierem. 10:19.*) Sic debet fieri, sic volo ut fiat. Omnis creatura velit nolit, uni Deo subiecta est; sed alii obediunt ut filii, & faciunt quod justum est: alii patiuntur ut servi, & fit de illis quod justum est. Nemo Dei leges evadit, aut facit homo quod lex juber, aut patitur quod lex decernit.*

§. XX.

Patienter ferenda quæ quotidie occurrunt.

Multi sunt, qui graves sibi cruces, & tribulationes eventuras fingunt, quas patientissime ferre proponunt, & hæc rerum, quæ nunquam erunt, inani specie delusi eximium patientiæ actum se exerceuisse arbitrantur: cum interim multo minores cruces, easque præsentes totis viribus fugiant, & abominentur. Tollendus hic error est, & solerter advertendum in magnis rarissime, in minimis frequenter adesse patientiæ occasionem, quæ quotidie, ac omni ferè momento exerceri potest aliena mala tolerando, propria corrigendo. Libentius autem ea crux amplectenda, quam Deus immittit, nam quæ propriâ voluntate assumitur, non semper à Deo est. Sicut gaudent infirmi, cum in medicum peritum incident, qui lethalem corporis ægritudinem curare sciat, & velit: ita nos calumniis, injuriis, aliisque molestiæ lacessiti gaudebimus, & exultabimus, quod aliquis repertus sit, cuius operâ animæ nostræ vulnera sanentur, & summis apud Deum opibus locupletemur. Quidquid verò evenerit, libenter amplectemur, placet enim quod libet, & ea dumtaxat molesta sunt, quæ non libent. Qui volens, & lubens patitur, & minus patitur, & meritum auger. Nec obest reluctantis naturæ repugnantia, dummodo contrarii motus ad partem rationalem, in qua meriti, & demeriti sedes est, non perveniant, imò hæc obnatur. Deique opem ferventi oratione deposcat. Quod si murmuraverit, si conturbetur, si omiserit quæ proprii munera sunt, signum erit voluntariae rebellionis, quando quidem ad ea impellit, quæ non nisi deliberato animo fieri possunt. Virtutes, quæ in actione consistunt, facile exercentur: at quæ in tolerantia versantur, difficillimæ sunt, quia illarum usus extra nos est, istarum in nobis; illis natura consenserit, istis repugnat. Cæterum moderate, & tolerantes

leranter ferendi propter Deum quæcumque aduersa singulis diebus contingunt, exemplum præbent milites, quorum tolerantia incredibilis est. Nam quæ itinera, quæ frigora, quos soles, quantas necessitates, quæ vulnera, quæ pericula patiuntur, & hæc omnia hilari animo, ut paucos dies senecturis quietos habent, ad quos nesciunt utrum pervenient? Nos vero pro æterna requie brevissimi temporis labore non sustinebimus? Tolerabiliæ, & levissima fient quæcumque patimur, si præmium consideremus, quod Deus promisit.

§. XXI.

Gaudendum in tribulationibus.

Sicut in aedificio plus operis, & sectionis unius, quam alteri adhibetur, jubente & disponente architecto, qui unum præ altero nobiliori loco destinavit: sic à Dei arbitrio petenda est ratio, cur unus graviora, alter minora patiatur adversa: unicuique enim propriam cruentum tribuit Deus singulorum viribus æquam, & parem gloria ac coronæ, quam singulis preparavit. Sicut igitur marmor, si compos rationis foret, sculptoris ictus patienter ferret, & gratias ageret: ita nos gaudere oportet, quod variis tribulationibus quasi quodam scalpello nos Deus expolire dignetur, ut sublimiori loco in domo ejus collocemur. Castigat ille quos amat, ne mundi prosperitate corrupti, à via salutis aberrent. Ideo mali homines bonis sunt necessarii, ut per illos tanquam Dei ministros exercantur, & ad virtutem afflidiis afflictionibus obdurentur. Quod cum verissimum sit, ille affectus erga adversarios induendus est, quem erga Semei sibi male dicentes Sanctus rex David ostendit dicens, *Dominus præcepit ei, ut male dicaret David, & quis est qui audiat dicere, quare sic fecerit?* (2 Reg. 16: 10.) Nemo enim malum inferret, nisi Deo volente, & permittente: nec ille vellet, aut permitteret, nisi ad majorem sui gloriam & salutem nostram. Porro in malis, quibus vexamur, non à creaturis solatum petendum est, sed à solo Deo, qui prima causa omnium peccarum est. Nam vera consolatio non nisi in veritate reperitur, quæ Deus est. Hæc docet nos tribulationem necessariam esse, & cum gaudio suscipiendam veluti arrham, & pignus Divinæ erga nos di-

lectionis. Omne gaudium, ait Jacobus Apostolus, existimat fratres mei, cum in tentationes varias incideritis, scientes quod probatio fidei vestre patientiam operatur, patientia autem opus perfectum habeat (Fac. 1: 2.) Infidiae, calumniae, persecutions, & alia mala hujus vitæ, maximum bonum sunt, & maximè diligendum, quia in illis nihil est boni, nihil amabile præter Divinum beneplacitum, ad quod tanquam ad primum principium cuncta revocari debent, quæ carni & sanguini molesta sunt. In quo judicii Pilato dixit Christus, *Non haberes potestatem adversum me ullam, nisi tibi datum esset de super* (Joan. 19: 11.) Hæc agnitus in omni eventu potestate, absque ulla difficultate mentis tranquillitas conservatur. Quæcumque nos angunt, si extra Deum considerentur, mille phantasmatæ, & distractio[n]es pariunt. Cum enim extra centrum suum trahuntur, incipiunt gravia esse, multaque suggerunt phantasiæ practerita, præsentia, & futura, quæ nunquam fuerunt, nec sunt, nec erunt: atque hinc oriuntur angustiæ cordis, noctes insomnes, & cure insanabiles. Quod si quis assuecat omnia in Deo conspicere, & ad ipsum referre, semper hilaris, & immotus dicet in omni eventu cum S. Job, *Sicut Domino placuit ita factum est, sit nomen Domini benedictum* (Job 1: 21.) Deus qui me affligi permittit, mei curam gerit infinita charitate. Ipse me cruci affixit, in qua constanter permanebo donec ipse me deponat.

§. XXII.

Tolerande detractiones.

SI magis angimur propter ea, quæ de nobis perperam loquuntur homines, quam propter peccata, quæ sola nos cruciare debent, manifestè convincimur, quod nos ipsos magis amamus, quam Deum. Infinitæ & horribiles sunt blasphemie à perditis mortalibus contra Deum prolatæ, & ille hostolerat, suorumque donorum participes facit: nos autem repleti vitiis, & sceleribus, si quis nobis mala, quæ fecimus, exprobaverit, excandescimus, & à nemine contemni volumus. Illud potius metuendum, ne immiteritis laudibus extollamur, ne nimia nos felicitas à crucis Christi consortio, & ab ejus gloria excludat. Si appenderentur veluti in statera quidquid meremur pro peccatis nostris, quidquid Christus pro nobis pertulit; in altera verò lance



Ianæ omnia tormenta, omnes injuriæ, omnia dedecora ponerentur, hæc certè præ illis, ac si nullius ponderis forent, levissima apparerent. Considerandum quoque est, quælibet ab aliis illata mala non ab inferentis, sed à patientis affectu gravia vel levia constitui. Nam qui hæc spernit, qui non accipit, qui vulnere superior est, nihil patitur. Non manus quæ tela vibrat vulnus facit, sed corpus quod patitur: nam si quis corpus adamantinum haberet, licet innumeris undique telis percuteretur, nullo vulnere affici posset: ita injuriæ, oblocutiones, & alia mala non à petulancium, & improborum insania lædendi vim habent, sed à Patientis imbecillitate. Beatus est, qui vitam suam ita dispositus, ut de illo quidpiam sinistro fangi quidem possit, pugnante meriti magnitudine adversus malignantium obtrastationes. Quod si hoc assequi non valemus, Iane saltem diligentiam vite nostræ adhibere par est, ut nemo in nobis detrahendi occasio-
nem inveniat, aliquo frustra detractoribus irascimur, si nos illis detrahendi materiam suppeditamus. Si vero nobis cuncta sollicitè ad ho-
nestatem providentibus, illi nihilominus insinuant, confolari nos debet Redemptoris nostri semper memoranda sententia: *Beati estis cum dixerint omne malum adversum vos mentientes* (Matth. 5: 11.) Sentiant de nobis homines, & dicant quidquid libet, beati erimus si nostra nos conscientia apud Deum non accuset. Fallaces & mutabiles sunt hominum opinione, vani iudicia, quæ nec profunt nobis, nec obsunt. *Si hominibus placet*, inquit Apostolus, *Christi servus non essem* (Gal. 1: 10.) Sed nec fieri quidem potest, ut quis omnibus placeat: nam ve-
le suum cuique est, trahitque omnes diversa, & unumquemque sua voluptas, & qui ab uno laudatur, ab aliis deridetur. Quidam Philosophus dicenti sibi, omnes te derident, respondit; at ego non derideor. Illos siquidem irrideri non posse judicabat, qui de risionibus non perturbantur.

§. XXIII.

*Tam propria, quam aliena mala æquanimi-
ter ferenda.*

Optimum remedium est, in omni afflictione & adversitate à præsenti angustia mentem avertere, & ad Deum convertere, nostra quippe

natura angorem suum conspicere nequit sine affectu miserationis erga se ipsam. Tum quia omnis cruciatus & ægitudo animi ex eo pro-
venit, quod rem, quam amamus, amittere time-
mus; efficacissimum omnium malorum alexipharmacum est illud solummodo bonum amare, quod nulli subest mutationi, nec ab ulla crea-
ta potentia auferri potest, aut impediri. Ab aliquo autem verbo, vel facto læsi, linguam omnino continere debemus, ne in verba erup-
pat animi commotionem indicantia: sicut enim languentis stomachi est non posse cibum duriorum concoquere, ita animi pusilli est,
aspera verba ferre non posse. Dicebat quidam vir sanctus, se nullam unquam habuisse adeo
gravem afflictionem, quam tacendo non vice-
rit; nam quidquid sit quod cruciat, spretum exolescit: si vero irascimur acceptâ injuriâ, eâ
nos dignos fuisse testamur. Dignus est con-
temni, qui de contemptu dolet. Non tamen
sufficit dolore in intus premere, & tacere, sed
intus etiam se arguere oportet, & omni ab-
jectione dignum æstimare. Etenim vir sapiens,
qui se attentiùs circumspicit, non considerat
quid patiatur, sed quam multa dignus sit pati
propter peccata, quibus Deum offendit. Alios
autem non judicat, ne se ipsum damnet, memor
Apostoli dicentis: *In quo judicas alterum te ipsum condemnas, eadem enim agis, que judicas* (Rom. 2: 1.) neque offenditur ob exiguum pro-
ximi debitum ipse debitor decem millium talen-
torum. Insanus est, qui suo graviori morbo,
impatiens scilicet & superbiæ, alienum curare
natur. *Tu quis es*, inquit Apostolus, *qui judicas alienum servum?* Domino suo stat, aut cadit.
(Rom. 14: 4.) Aut quomodo potes dicere fratri tuo, ut in Euangeliō legitimus, fine ejiciam festu-
cam de oculo tuo, ipse in oculo tuo trabem non vi-
dens. (Luc. 6: 42.) Solius Dei est aliena delicta
judicare, cuius est ea justè punire, aut misericorditer curare. Ad nos autem spectat, ea si
non possumus corrigere, & impedire; aliquo
patienter ferre; nam si vitium displicet, illud
prius in nobis emendandum est, quam in
aliis. Qualis Deus erga nos est, patiens sci-
licet, & misericors, teles nos aliis exhibere de-
bemus.

§. XXIV.

S. XXIV.

Remedia impatientie.

Multa sunt negotia & officia, quae aggredi, & quibus fungi oportet; multa hominum confortia, quibus cogimur interesse: vixque fieri potest, ut omnia ex animi nostri sententia eveniant, & omnes nobiscum consentiant. Idcirco summam cura advertendum, ne animi excussa tranquillitate in impatientiam labamur. Id autem assequemur, præparato & præmunito animo earum rerum consideratione, quæ in singulariis negotiis, officiis, & congregatis contingere solent, nec possunt à nobis immutari, aut impediri. Nam si dura quæque, injuncta, & molesta, qua res ferè singulas concomitantur, antea prævisa fuerint, & ad illa æquo animo frena parati simus, omnem facile commotionem & mentis ægritudinem evitabimus. Hoc præcipuum opus est, cui sedulè incumbere oportet, ut rebus scilicet exterioribus, prout exigunt earum natura, utamur. Illarum autem natura fert, ut nobis serviant, non dominantur; ut multis casibus obnoxiae & extra nostram potestatem sint: & ideo virum sapientem sive propositi tenacem, de solido mentis statu nunquam dejiciunt. Si quis eum abducatur, si facultates eripiunt, si dignitate privetur, si tormentorum, vel mortis metum incutiat, non vincitur, noncedit, non læditur, quia dudum cogitavit, & didicit hæc omnia extra se esse. Opiniones perturbant hominem, non res. Nemo angit, nemo luget, nemo tremit, nemo expavescit, nisi qui appetit, aut timet aliiquid, quod penes ipsum non est. Martyres Christi diversis tormentorum generibus dilacerati inter fatigatos carnifices invictam animi patientiam constantissime tenuerunt: ipsis quoque pueris, ac mulieribus hec flagella, nec succinæ fornaces gemitus exprimere potuerunt. Verberari poterant, & occidi, non vinci: nam quæ tyranni dare poterant, vel auferre, ipsi spernebant, ut potè extra se posita. Virtutem vero animi nemo illis eripere potuit, quia extra regum, & tyrannorum potestatem est.

S. XXV.

Propria Christianorum virtus humilitas.

Camat verbum Dei, fons Sapientiæ, clamat omnium virtutum magister, & auctor, & dicit, discite à me (Math. 11: 29.) Magnum aliquid audituri sumus, quis est enim qui dicit, discite à me? Ille est qui fecit cœlum & terram, qui omnia produxit è nihilo, qui dixit de tenebris lucem splendescere. Numquid docebit nos hæc eadem facere, & novum mundum creare? sed solus Deus haec facit. Dicit ergo, ut ab illo discamus quod ipse propter nos factus est, qui cum in forma Dei esset semet ipsum exinanivit formam servi accipiens, in similitudinem hominum factus, & habitu inventus ut homo (Philipp. 2.) Discite, inquit, à me non mortuos suscitare, non dæmones expellere, non leprosos mundare, non cœcis lumen, surdis auditum reddere, non sicco vestigio pelagi undis calcare, sicut quidam fecerunt, quibus hanc gratiam donavi; sed discite à me quia misericordia sum, & humiliis corde. Noluit docere, quod ipse non esset, noluit jubere, quod ipse non faceret. Ad hoc redigit omnes thesauros scientiæ, & sapientiæ suæ, ut disceremus ab ipso humiles esse. Adeò res magna est & difficilis humilem esse, ut omnino disci non posset, nisi ab illo qui maximus est. Non enim posset humana superbia tumore deposito humili fieri, nisi ab illo sanaretur, qui, cum Deus esset, humiliavit semetipsum factus obediens usque ad mortem, mortem autem crucis (Philip. 2:8.) Est igitur humilitas propria, & præcipua Christianorum virtus, superbis Philosophi ignota, quam præ cæteris Christus docuit verbo, & exemplo, ut in novitate viæ ambulantes ad præmium superne vocationis post ipsum properemus, sedulè considerantes unde peregrinemur, quo tendamus, quantum viæ egerimus, quibus præfidiis ad iter peragendum munitionis. Nisi enim humilitas omnia quæcumque facimus & præcesserit & comitetur, & subsequatur, numquam ad optatam metam perveniemus. Nobis quippe de aliquo bono opere gaudentibus, quidquid egimus inficit superbia, quæ etiam in recte factis timenda est, ne quod laudabiliter operamur, ipsius laudis cupiditate amittatur. Quod si aliquando cogitationes nostræ nos aliquid esse suggesterint, terra semper præsens est, quæ primæ nostræ originis nos admonet. Terra sumus, & mox in terram revertemur. Super hoc fun-



fundamento reliquarum virtutum ædificium construendum est: nam si quis gratiam miraculorum habeat, ita ut montes transferat; si variis linguis loquatur, si dono prophetæ præditus sit, si omnes infideles ad Deum converterit, si omnes facultates suas egenis distribuerit, in maximo periculo labendi jugiter erit, extorque illius superbiam, quidquid laudabiliter fecit, nisi conscius infirmitatis suæ imminentem sibi ruinam semper timeat, & de se diffidens salutem suam cum timore, & tremore operetur. Vera Christianorum sapientia hæc est, ut discant humiles esse.

§. XXV I.

Homo per superbiam à Deo recessit, & ad illum per humilitatem redire debet.

Superbia vitium præ cæteris execrabile, & noxium ab Angelo tunc originem sumpsit, cum adversus Deum elatus ad seipsum eo desertus conversus est, bona sibi insolenter arrogans, quæ à creatore acceperat, ac si ipse sibi illorum fons, & auctor foret. Illius enim sunt apud Isaiam apostatica illa, & intolerabilem fastum indicantia verba, *In cœlum descendam, super astra Dei exaltabo solium meum, ascendam super altitudinem nubium & similis ero Altissimo* (Isai. 14: 13.) Idem & in homine contigit, qui serpentis dolo deceptus conditor suo æqualis esse concupivit, tanquam hoc haberet simile Deo, ut non nisi de propriis dives esset. Ideo scriptum est, *initium superbie hominis apostatare à Deo, quoniam ab eo, qui fecit illum, recessit cor ejus* (Ecclesiastes 10: 14.) & in sublimitate constitutus horribiliter dejectus est. *Initium igitur omnis peccati, ut eadem scriptura testatur, est superbia* (*ibid.*) quam veluti hæreditario jure à primo parente omnes acceperimus, propriam excellentiam veluti scopum in omni actu, & cogitatione spectantes, à Deo aversi, & ad nos ipsos conversi, ut ergo ad illum revertantur, à quo per superbiam recessimus, contraria viâ humilitatis incedendum est. Basis vero seu fundamentum, super quod humilitas exstruitur, propriæ fragilitatis & miserizæ cognitio est, ut nimis quicunque cognoscat, & fateatur se nihil habere, nihil posse, nihil esse, nihil sibi deberi. Deus enim primi hominis corpus è limo terræ formavit, cui animam infudit è nihilo creatam, sui capacem, & praetula-

rissimis gratiæ donis decoratam, quibus superveniente peccato spoliata, maculâ infecta est naturæ viribus indelebili. Pristino autem decori per gratiam Christi redemptoris restituta, rursum propriâ voluntate à iustitia recedens deformis facta est, & Deo odibilis: & sic utique permaneat, nisi respiciens defupere Pater misericordiarum illam iterum à servitute peccati ereptam in libertatem, & pulchritudinem filiorum Dei vindicaret. Surgere vero post lapsum nemo potest, nisi qui profitetur Divini munieris esse quod surgit. Quis enim de massa perditionis discernit hominem, ut eum faciat vas in honorem, nisi gratia Dei per Jesum Christum? Quod si quis inaniter inflatus dicat, discernit me fides mea, discernit me oratio mea, discernit me iustitia mea: occurrit Apostolus hæc dicenti, & ait, *Quid enim habes quod non accepisti, si autem accepisti, quid gloriari quasi non acceperis* (1. Cor. 4: 7.) Idem quoque dicit, *Non quod sufficientes sumus cogitare aliquid à nobis quasi ex nobis, sed sufficientia nostra ex Deo est* (2. Cor. 3: 5.) Denique Redemptor noster ait, *Sine me nihil potestis facere* (Ioan. 15: 5.) ut non glorietur omnis caro in conspicu ejus, sed quemadmodum scriptum est, *Qui gloriatur, in Domino gloriatur. Non enim gloriari possunt peccatores, qui non habent unde gloriarentur: neque justi, quia gloriari non habent, nisi in illo, cui concinunt, Gloria mea & exaltans caput meum* (Psal. 3: 4.) Sed numquid aliquis forè gloriabitur, quod Dei beneficia non rejacerit? Hoc profectò extremae dementiæ foret, ac si quis jactaret se, quod, cum posset miser esse, & se in pectus precipitem dare, id tamen non fecit. At istud etiam divinæ misericordiæ fuit, quæ si lucem, & opem suam subtraheret, nec ejus dona agnoscere, nec iis uti possemus. Superanda igitur cupiditas gloriæ, dilectione iustitiae, adeò ut in his, quæ rectè facimus, amor humanæ laudis cedat amori veritatis. In nullo enim gloriandum, quandoquidem nostrum nihil est. Et hoc est fundamentum omnium virtutum, scire & credere, quod ex nobis ipsis nihil possumus, nihil sumus, nihil habemus. Deus enim est, qui operatur in nobis & velle & perficere; atque ideo timendum ne gratia Dei, quæ datur humili, auferatur superbo.

M

§. XXVII.

S. XXVII.

Character superbi.

Superbia quædam elatio est, per quam homo ultra modulum suum extendit se, & sibi jactanter attribuit, quæ sua non sunt. Tum sui figuram, & ideam, quam ipse pulcherrimam, & altissimam concepit, in aliorum mentibus imprimere nititur, genus suum jactans, & dignitates, animique ac corporis dotes, quibus se super cæteros extollit, ac si potentia, & magnitudine omnibus antecellat. Altiores autem assunt spiritus, & arrogantiæ, si his accedat servorum multitudo, pretiosa supellex, vestium luxus, gemmarum fulgor, ædium magnificentia & apparatus, pecunia in multis annos reposita, & alia ejusdem generis multa, quæ jactantiae folementum præbent, & insolentiae pabulum subministrant. Ideo magnificos optat titulos, populique plausum, & laudes, tamquam indicium quod super alios emineat; & de his gloriat, in his quiescit, veluti in summo vitæ hujus bono, de æterna vita nihil sollicitus: Hinc oritur odium, quo quisque aversatur quidquid ipsum deprimit, & reliquis inferiorem ostendit. Hinc fastidium, & mœror, cum in aliqua re quis deprehenditur, quæ propriam excellentiam minuerre videatur. Hinc timor continuus, & omnium ferae hominum anxietas timentium, ne opera que aggrediuntur infelicem exitum fortiantur: omnes enim videri volunt & laudari, nec immunes ab hoc morbo sunt insimilæ plebis homines sordidas & despiciatissimas artes exercentes, nam & proferunt se, & cupiunt ob artis suæ peritiam inter cæteros ejusdem fortis eminere. Ipsius Philosophi, qui de contemnenda gloriâ multa præclarè scripserunt, effugere superbiæ non potuerunt, quam maximè detestati sunt, gloriâ re ipsâ querentes, quam verbis damonarunt. Occultè siquidem serpit hoc virus, & avulsâ pessimâ arboris radice, adhuc remanent subtilissimæ quædam fibræ, quæ vix à sanctissimis viris deprehendi queunt. Ejus itaque motus accuratissimè observare, ac Dei timore comprimere oportet, & magis veritate, quam falsis hominum laudibus deletari. Fumus è fornace erumpens in altum elevatur, & ingenti globo intumescens splendidissimum solis jubar obnubilat, sed quia caret soliditate, statim in auram dilabitur, & evanescit. Ita superbi, qui se inaniter extollunt nullo, virtutum

fundamento solidati, quanto amplius erigunt se, & in majorem ambitum diffundi satagunt, tanto exiliores fiunt, ac citius deficiunt & non apparent. Vidi impium superexaltatum, & elevatum sicut cedros Libani, & transivi & ecce non erat (Psal. 36: 35.)

S. XXVIII.

Incitamenta humilitatis.

Depravatae naturæ pondere undique impelliunt, & in lubrico positi, stabili gressu stare non possumus, nisi dextera Domini teneat nos. Si a gravioribus flagitiis abstinemus, hoc Dei ope fit, omnem peccandi occasionem misericorditer subtrahentis, alioquin experientiâ magistrâ jam didicimus, quales sumus in proximo labendi periculo constituti. Si quid boni in nobis est, id valde exiguum, & imperfectum est, cumque bonum sit ex integra causa, absque ulla mali admitione, quis certò afferere audebit, si aliquod opus aliquando fecisse, quod ex integro bonum fuerit, & gratum Deo, & non potius innumeris imperfectionibus permistum? Quis tam sollicitè salutem suam querit, aut tanto ardore perfectioni incumbit, sicut filii hujus seculi opes querunt, & dignitates? Certi quoque sumus, nos gravissima commissione peccata, de quorum remissione incerti, nescimus utrum amore digni sumus vel odio: & si speramus veniam à Deo obtinuisse, de dono tamen perseverantie securi non sumus, sed omnia in futurum reservantur incerta. Quis vero haec perpendens gloriari poterit, aut aliquid sibi tamquam proprium usurpare, & in se fiduciam habere? imo quis non timebit? quis non palam & ex corde profitebitur se nihil esse & nihil posse? Sicut aer recedente sole obscurus fit & tenebrosus, ita anima, Deo lucem & opem subtrahente, nihil videt, nihil potest. Hanc veritatem si quis plenè intellexerit, ab aliis item cognosci optabit: cumque vere, & ex animo se omni contemptu, & abominatione dignum aestimaverit, ab aliis quoque despici, & pro nihilo haberi desiderabit; nam si secus faceret, cognitæ veritati repugnaret. Veritas humilitatis comes individus est, & quod magis anima in veritatem cognitione proficit, eo clarius videt se nihil esse, & nihil posse.

S. XXIX.



§. XXIX.

Nihil boni esse in homine, qui caret Humilitate.

AQuolibet lapsu facilè quisq; surgeret, si statim à medico remedium peteret. Sed plerique superbiā ad eō obsecrati sunt, ut morbum suum vel non cognoscant, vel propriis viribus se curatores putent. Hæc ratio est, ob quam qui ceciderunt non resurgunt, & in fôrdibus suis contabescunt, quia ad Deum non confugiunt, nec pendent ab ejus gratia sicut oportet; sed sibi de se suarum ægitudinum remedium rejecto medico pollicentur; ex quo sit ut ipsa medicina morbus sit. Nullus autem mortalium eō infelior, qui cum cæcus sit, putat se omnia clare videre? nam cùm alterius opem non quærat, nullum est præcipitum, in quod labi non possit. Vetus illa sententia, *Nosce te ipsum*, quæ de cœlo descendisse dicitur, admonet hominem, ut cognoscat se nihil esse, in Deo autem omnia posse. Ideo multi despontent animum jacentes in languoribus suis, quia adjutorium Dei non implorant, nec in illo sperant, de quo dixit Apostolus, *Omnia possum in eo qui me confortat* (*Philipp. 4: 13.*) de quo etiam Psalmista cecinit, *u Deo meo transgrediar murum* (*Psal. 17: 30.*) Non est vera humilitas, quæ magnanima non est, & ad sublimia non assurgit, illius ope freta, qui pro nobis factus est homo, ut nos Divinæ naturæ confortare faceret. Sicut ferrum ignitum non est ignis, sed ardet exigue, qui in ipso est: ita homo ardere dicitur non ex se, sed ex amore sibi Divinitûs collato, qui in ipso est: & lucere dicitur non ex se, sed ex lumine sapientiae, & veritatis, quo à Patre luminum imbutus est. Sicut etiam instrumentum non propria virtute, sed per manum artificis operatur: ita homo dicitur operari, Deo per illum omnia operante, qui dat omnibus velle, & perficere, & omnia opera nostra operatur in nobis. Quod si amor, sapientia, & lux ab homine receperint, illum protinus invadent frigus iners, profunda ignorantia, & caligo tenebrosa: eritque inutilis, & ad omnem usum ineptus veluti instrumentum sine artifice. Cum igitur homo ex se nihil sit, nihil valeat, nihil habeat, in nihilo suo tanquam in centro commorari debet; omnia enim in Deo poterit, cum se nihil esse, nihil posse cognoverit.

§. XXX.

Qui verè est humilis sibi ipsi intentus, alios non judicat.

Humilitas est virtus, quæ homo verissimâ sui agnitione sibi ipsi vilescit. Examen autem sui ipsius sibi hominem prodit: etenim appetitur conscientia liber, revolvitur misera vitæ series, illuminatur ratio, & cogitur anima coram se constituta proprio tribunalí assisteret à se met ipsa judicanda. Quod si ita se judicaverit non utique judicabitur. Væ animæ, quæ in mirabilibus super se inaniter elevata, & ad exteriora effusa damna sua interiora non sentit. Ideo prævaricatores hortatur Scriptura redire ad cot (*Isai. 46: 8.*) ut, quidquid intus latet, curiosè explorent, & agnoscentes miseriam suam ab aliorum censura abstineant. Plerique tamen hoc negligunt, & quod miserabile ac nunquam sati deprorandum est, cum miserrimi sint, ac densa caligine ad eō circumfusi, ut propria vita, & peccata perspicere nequeant; aliorum nihilominus vel exiguae imperfectiones subtilissimè investigant, & acutissimè reprehendunt. Hæc nimurum imperfectorum proprietas est, ut cum se ipsos nullo modo cognoscant, in arguendis aliorum vitiiis continuo occupentur. At qui se intus cognoscere fatigunt, quæ magis in sui cognitione proficiunt, eō se imperfectiones fatentur, quoniam majori luce perfusi clarius vident, quæ longè absint à vera sanctitate, & perfectione. Propterea ad alios non respiciunt, nisi eis ex officio incumbat, satis negotii habentes in suis imperfectionibus emendandis. Vera Sanctorum disciplina hæc est, zelum erga se ipsum exercere, & peccantes patienter ferre: indicium enim magnæ imperfectionis est imperfectos ferre non posse. Sicut Deus in ordine naturæ ex nihilo omnia creavit, ita etiam in ordine gratiæ omnem ornatum virtutum producit ex nihilo, ex anima scilicet, quæ se nihil esse intimè credit, & profiteatur. Solida virtus illa est, quæ derisionibus, contemptu, injuriis, & continua humilitatis exercitatione probatur. Hæc deficiente, quidquid virtutis in aliquo apparet, non virtus est, sed illusio, & hypocrisis, ac inane virtutis simulacrum. In ventum pulverem portat, qui sine humilitate virtutes congregat.

§. XXXI.

Veri humilis descriptio.

Verè humilis censeri debet, qui omni exaltatione superior est, & omni abjectione inferior: qui in excelso loco positus, delatis sibi honoribus, & laudibus non extollitur: & ad infima projectus nunquam tanto contemtu, confusione, & ignominia affici potest, quin sibi persuadeat se multò deteriora mereri. Verè item humilis est, qui pro nihilo haberi cupit: quin non humilis, sed vilis in aliorum opinione esse desiderat, ita ut omnes credant patienter ab illo adversa tolerari non ex virtute, sed ex necessitate, quia nimis ea evitare, vel impedire non potest. Si ipsum contingat in aliquo verbo vel opere labi, veniam petere ab his, qui praesentes fuerunt, non erubescit, si præfertim aut mendacium protulerit, aut de aliquo perperam pro humana fragilitate locutus sit: qua in re speciem quandam martyrii esse vir magnus edocuit. Simili modo si aliquid dixerit vel fecerit, ex quo ejus existimatio laedatur, de hoc quidem dolet quatenus offensa Dei est, gaudet autem de confusione, & contemptu sibi ex eo proveniente, cuius occasiones pacato animo amplectitur, nihil tamen scienter admittens, quo contemptibilis fiat. Si verba ejus innocentiter prolatas in sensum perversum trahantur: si illi, quos amat, in quibus confidit, in quos beneficia contulit, ipsum improbent, & persequeantur, ejusque consortium fugiant: & si post multos labores non solum nullam mercedem recipiat, sed potius opprobriis afficiatur, nullo modo conqueritur, quia opera sua nihili aestimat, sive contemptum avidius complectitur, quam reliqui omnes honorem, & gloriam. Ab omnibus derelictus confugit ad Deum, in quo reperit omne gaudium, & omne bonum. Quæcunque ad se pertinet, silentio premat, ad omne dedecus, & ignominiam animo paratus, tamquam mortuus, & sepultus cuius non extat memoria. Non majoribus tantum, & æqualibus, sed etiam inferioribus se subjicit, quo ad actus interiores semper, quo ad exteriores attentis circumstantis, & salvâ dignitate. Firmiter credit, se omnium hominum nequissimum esse, quia malitia sua aliorum bonis comparat: tum seipsum considerat secundum ea quæ ex se habet, alias verò ex donis Dei. Latere optat, omnium-

que fabula, & ludus esse: nec solum omni honore, & commodo, sed ipso etiam cibo, & potu, hominumque confortio se indignum putat: & si forcè aliis præferatur, pavet, confunditur, contristatur, se ineptum reputans, ac cuiuscumque muneris incapacem. Hæc est imago veri humilis, rudi penicillo expressa, ex qua poterit omnis Christianus perspicere, quam præcul absit ab hac virtute, quam sectatoribus suis Christus tantoperè commendavit, factus pro nobis opprobrium hominum, & abjectio plebis. In hujus autem virutis exercitatione nullum est periculum, si quis se minorem aestimet, quam revera sit. Grande verò malum horrendumque discrimen est, si se plus justo extollat, aut majorem putet, quam re ipsa sit. Sicut intrans per ostium, cuius superliminare demissum sit; si se nimis inclinaverit, nihil ei nocebit, sed si se vel transversi digiti spatio, plus quam ostii mensura patitur, erexerit, impinget & quassato capite collidetur: ita anima non nocet quantavis depræficio, maximam autem perniciem illi afferet quæcunque vel minima exaltatio. Quare nemini nondico præponere, sed nec quidem componere debet, qui vult omne periculum superbiæ evitare. Sic Christum Dominum imitabimur, qui cum Filius Dei esset, formam servi accepit, ut formam nobis traderet humilitatis.

§. XXXII.

Oportere humanam voluntatem Divine subditam, & conformem esse.

Nullum donum gratius Deo, nullum subfilius sacrificium, quam seipsum Divinæ voluntati integrè in omnibus subjecere, & conformatre: nihil enim aliud excelsa illa Majestas requirit ab homine, nisi ut se exhibeat hostiam viventem, sanctam, acceptabilem, quam si quis ritè obtulerit, piè & religiosè litavit. In hac si quidem conformitate, & submissione non bona exteriora, non rem aliquam singularem; sed propriam voluntatem, proprium judicium, totumque hominem perfecto holocausto immolamus, nullâ re exceptâ, nullis præscriptis limitibus. Quoties ergo aliquid nostri in nobis est, roties à nobis exire, & nos deserere debemus, donec solus Deus in nobis sit, & ad omnia que de nobis æterna sua providentia decreverit, parati, & indifferentes inveniamur. Non enim perficiet in nobis

nobis Deus beneplacitum suum, quādiū aliquid erit in nobis, quod illi repugnet, & contrarium sit. Integrum cor ille postulat, & qui se totum ei non dat, nihil dat. Conceditur quidem humanæ fragilitati aliquid proprium velle, sed statim elevari supra se debet, & illi adhærere qui super omnes dominatur. Ille creator est, nos creaturæ: ille Dominus, nos servi: ille omnipotens, nos infirmi. Nostram itaque voluntatem corrigerem, & illius nos voluntati subdere debemus dicentes, *non sicut ego volo, sed sicut tu* (Matth. 26: 39.) Verba Christi Domini hæc sunt orantis ad Patrem, & transfigurantis nos in se, ut discamus ab illo nihil velle nisi quod Deus vult. Alioquin quid potuit Christus velle diversum à voluntate Patris? Quorum una est Divinitas, dispar nequit esse voluntas. Quamobrem docuit nos orare, *Fiat voluntas tua sicut in cœlo, & in terra* (Matth. 6: 10.) Sicut Angeli faciunt voluntatem tuam, faciamus & nos obtemperantes præceptis tuis. Faciunt homines voluntatem suam, non Dei, quando faciunt quod volunt, non quod iubet Deus. Tollatur à nobis rixa illa, quam describit Apostolus dicens, *Caro concupiscit adversus spiritum, spiritus autem adversus carnem* (Gal. 5: 17.) Sic fiet voluntas Dei consentientibus simul carne, & mente; ita ut nulla remaneant desideria carnalia, cum quibus mens configat: nihil sit in corpore quod spiritui resistat, omnisque concupiscentia in charitatem commutata fuerit: hæc est enim voluntas Dei sanctificatio nostra. Unus est Deus, & qui adhæret illi, unus spiritus est, una voluntas.

§. XXXIII.

Omnia de manu Dei accipienda.

IN hoc summa totius Perfectionis consistit, ut quidquid acciderit pacato animo de manu Dei accipiamus, omnem solicitudinem projectantes in eum, quoniam ipsi cura est de nobis (1 Pet. 5: 6.) Omnia, qua mundus mala vocat, peccato excepto, quod est solum & verum malum, à Deo esse Scriptura testatur dicens, *Bona, & mala, vita, & mors, paupertas, & honestas à Deo sunt.* (Eccl. 11: 14.) Et alio loco: *Ego Dominus & non est alter, formans lucem, & creans tenebras, faciens pacem, & creans malum: Ego Dominus faciens omnia hæc* (Isai. 45: 7.)

Cum igitur Dei natus, & secretissimi consilii sui immutabili dispositione apud ipsum fixa sint omnia, quæcunque fiunt in orbe terrarum; æquum est, ut universa quæ accidunt quantumvis dura, & acerba, veluti singularis erga nos benevolentiae signa, de manu ejus acceptemus, ipsius providentiae inhærentes non nostræ, quæ semper timida, & incerta est, Dei que operationem in nobis destruit. Calumniæ, fraudes, furta, raptus, insidiæ, bella, cædes, morbi, ruinæ, pestilentiae, sterilitates, & aliae quælibet calamitates, sive publicæ, sive privatæ ad improborum emendanda, vel castiganda flagitia, & ad justorum exercitationem à Deo permittantur, & immittuntur, & si quid horum nos vexat, affluenta vox est patientissimi Prophetæ, qui omnium malorum generæ cruciatus dicebat: *Dominus dedit, Dominus abstulit, sicut Dominus placuit, ita factum est: sit nomen Domini benedictum* (Iob 1: 21.) Servis fidelibus, quæcunque agenda sunt, ita committunt Domini, ut eos tamen nescire velint, quis finis sit, quæ series, & ratio consiliorum suorum: sic nos subjecti erimus Divinæ providentiae tamquam inutiles, & obsequentes servi, nihil solliciti quid de nobis, quid de aliis fieri velit; idque nobis à Domino dici putabimus, quod olim Petro dixit, *Quid ad te? tu me sequere* (Ioan. 21) Et si aliquando bona opera, quæ aggressi sumus, vel ægritudine, vel quilibet adveritate impediti contigerit, non contristabimur: scit enim Deus, quid nobis magis expediat. Sic perpetuâ pace, & imperturbabili tranquillitate fruemur, clamante veritate cunctis perturbationibus, ne ad locum appropinquent, in quo Deus pacis commoratur.

§. XXXIV.

Divina providentia in omnibus acquiescendum.

Bonum est optare à Deo affligi, & multa pro eo pati, sed multò melius est, ipsius dispositio- ni, & beneplacito in omnibus acquiescere, & orare, ut nes ducat quod ipse vult. Vita naturalis motu & sensu se prodit, vita supernaturalis omnis motus & sensus cessatione, & defectione. Qui enim se deserit, omnesque motus animi sui in Deum transfert, is vitâ gracie vivit, & à se ipso ita est expeditus, ac si de se nihil sciret, velut infans

infans, cuius est unius diei vita super terram. Quidquid sibi acciderit, non in se respicit, sed in Divina voluntate, & providentia. Nihil ex hoc seculo sibi applicat, nisi quod vult Deus, in cuius manu tamquam instrumentum est, artificis arbitrio ad quocumque opus applicandum. In divinis consilii perscrutandis curiosus non est, sed illa humiliter adorat, firmiter credens ea semper justa esse, licet saepè occulta sint. Idem vult quod Deus vult, eodemque modo, atque eamdem ob causam, propter quam ille vult. Suam voluntatem Divinæ conformat, quoad omnia bona natura, gratiae, & gloriae; ita ut suis actibus, & suâ libertate, quantum fieri potest, spoliet se, ut sola Dei voluntas in ipso vivat & operetur. Cum enim voluntas corruptæ naturæ virio se plurimum amet, & in sui actus veluti possessione delectetur, tametsi unicam Dei gloriam querat, eam tamen actu proprio vult, & in eo complacere sibi tamquam in proprio bono: ex quo fit, ut, si ipsum propria voluntatis actum & gaudium, quod ex eo provenit, sibi prorsus adimat, tunc verè, & perfectè Divino beneplacito acquiescere censenda sit, suamque voluntatem in Divinam purissimè transfundere, cum omnimodâ sui ipsius, & omnium creaturarum oblivione. Voluntas Dei necesse est ut fiat, omnia enim quæcumque voluit Dominus fecit, & non est qui possit resistere voluntati ejus: tunc autem optimè fit, cum in nobis, & à nobis sit.

§. XXXV.

Solum Dei beneplacitum optandum est.

IN voluntate Dei pax, & tranquillitas consti-tuenda est. Si peccavimus, si alios ad peccatum induximus, si ex flagitiis nostris multa mala secuta sunt: dolendum tanè est, & fletibus eluenda sunt crimina, ac digna castigatione plementa: animi verò perturbatio, & inquietudo evitanda, & cum pace emendationi incumbendum, implorata Dei misericordia, que nos labi permisit, ut discamus non altum sapere, sed timere; neque nostrum putemus esse quod Dei est. Ab ipso veniam, & indulgentiam in spiritu humilitatis, & in animo contrito expectabimus, sicut servus adventum Domini sui patientissimè præstolatur. Dominus enim est, veniet quando voluerit. Fidelis servus, & prudens nihil qua-

rit, nihil optat, nisi Domini beneplacitum, & in omni eventu ex intimo cordis affectu ait, Ita Pater, quoniam sic fuit placitum ante te (Matth. 11: 26.) Fiat voluntas tua (Ibid. 6: 10.) Ad omnem nutum tuum paratus sum. Vis me incolumen esse, vis ægrotare? Vis me dulcedine tuâ perfrui, vis in tenebris, & continuâ ariditate verfari? Vis me abundari, vis penuriam pati? Id volo quod tu vis, fac de me quod tibi placet. Hæc animi præparatio omnino indifferentis ad quæcumque Deus vult, hominem facit ad omnia mala impavidum, & inconcupsum, omnique adversitate superiorem, relictâ sui rerumque omnium solicitudine, & anxietate. Nam si de cibo, & vestimento, aliisque rebus ad vitam necessariis nos sollicitos esse Christus prohibuit, quâd magis superflua, & inutilis cæterorum cura abjicienda est. Ipsa pax animi, si anxiè queratur, amittitur: atque ideo sublati curis in sola Dei voluntate quiescendum. Curiositas, & inquisitio, quâ saepè investigamus, quid de nobis futurum sit, naturæ est leipsum amantis, & timimenti aliquid pati. Optimè Deus ex alta providentia suæ specula cuncta respiciens, quid unicunque convenient, agnoscit, & suaviter ac fortiter disponens omnia curam hominis singulariter suscipit, cum illum videt omnem de se cogitationem in ipsum projecisse.

§. XXVI.

Spes salutis nostræ in Deo ponenda.

Ver christianâ sapientiâ imbutus non solum supernæ dispositioni, quæcumque pertinent ad temporalis vitæ subsidia, commitit, de crastino non cogitans, sicut præcepit Christus; sed spem quoque salutis suæ in ejus voluntate reponit, qui nunquam deferit sperantes in se. In hac spe & conformitate voluntatis suæ cum divina singulariter constitutus salutem suam cum timore, & tremore operatur, misericordiam, & judicium Domino suo fideliter concinens, in cuius arcana irrumpere, & in abyssum profundissimam judiciorum ejus descendere nimis temerarium foret. Certum quidem est, neminem posse in hac vita absque speciali revelatione æternæ salutis securitatem habere: sed absit ab homine Christiano hæc insania, ut de illa desperet. Hoc illorum est, qui obstinatissimâ voluntate in fæciis suis computescere, & in malis perseverare decreverunt. Qui verò meminit se Christi Sanguine

Sanguine redemptum, & Baptismatis Sacramentum initiatum, de bonitate Dei non diffidit; ejusque auxilium indefessus implorat, tutum habens in eo refugium, qui veniam cum lacrymis postulant, & peccata animo contrito detestanti nunquam negavit. Hæc sunt magna, & saluberrima consilia Domini, exquisita in omnes voluntates ejus, atque adeò sapienter exquisita, ut electionem nostram occultam esse voluerit, ne securitas superbiam generet, & negligientiam, & qui se existimat stare, videat ne cedat. (1 Cor. 10: 12.) Quia vero electi pauci sunt, debet vir fidelis cum paucis sancte vivere, ut certam faciat vocationem suam, & in fine cum paucis coronari mereatur. *Angusta porta, & arcta via est, que ducit ad vitam, & pauci sunt, qui intravunt eam* (Matth. 7: 13.) ut Christus Redemptor noster nos docet. Ideò per arctam viam incedendum est, semperque timendum, etiam si bene currere videamur, quia de dono perseverantiae nemo securus est. Non tamen animum despondere oportet, sed spes in Deo ponenda, ejusque beneplacito voluntas nostra subjicienda est in tempore, & in æternitate. At aliquis fortè dicit, incerta est mihi de me ipso voluntas Dei. Quid ergo? An tua voluntas de te ipso certa est? sanè non est. Quod si utraque incerta est, cur Divinæ potius voluntati, quam tuæ spem tuam non committis? Superbissimus, & infelicissimus est, qui fiduciam habet in se, & non in Deo; ille autem beatus est, qui confidit in Domino, cuius firma promissio est, & in quo omnes qui speraverunt non sunt confusi.

§. XXXVII.

Spiritum, & perfectionem Christianæ religionis in Charitate consistere.

QUAMVIS per Fidem, & per Baptismum Christiani nuncupemur, & sumus, sola ramen Charitas est, in qua spiritus & anima nostræ religionis consistit, & per quam Christianæ vivere possumus. Sicut enim Deus propter nimiam charitatem suam, qua dilexit nos, Filium suum misit in mundum, ut nos redimeret Sanguine suo: ita nos debemus ipsum diligere toto corde, totis viribus, & proximum sicut nos ipsos. In hoc est charitas, non quasi nos dilexerimus Deum, sed quoniam ipse prior di-

lexit nos, & misit Filium suum propitiationem pro peccatis nostris. Hoc autem est maximum, & primum mandatum, ex quo universa lex pendet & Prophetæ. Hoc Fidei nostra fundatum, scire & cognoscere charitatem Dei, quia cum inimici essemus reconciliati sumus per Christum. Hic ignis est, quem ipse Redemptor noster venit mittere in terram, & nihil vult nisi ut accendatur (Luc. 12: 49.) Hic Spiritus primorum Christianorum fuit, quorum erat cor unum, & anima una: hæc veluti anima est, quæ corpus Ecclesiæ vivificat. Hanc tesseram, quæ sectatores sui à reliquis discernerentur, Christus Dominus reliquit nobis cum dixit: *In hoc cognoscet omnes quod mei esis discipuli, si dilectionem habueritis ad invicem* (Joan. 13: 35.) In hac Dei, & proximi dilectione Christianæ vita perfectio consistit, per quam anima Deo unitur. Est autem perfectio opus divinitate gracie, ac propterea viribus nostris niti, aut nostræ industriae confidere non debemus, sed omnis fiducia nostra in Deo ponenda, ejusque auxilium jugiter implorandum, ut liberet nos à malo, ad quod propensi sumus, & vindicet ab hostiis temptationibus, quorum fraudes & infidiae innumerae sunt. Quod si aliquando labimur, & post lapsum mente concidimus, signum evidens est, quod spes nostra in nobis non in Deo posita erat. Qui enim de se diffidit, agnoscit infirmitatem suam, Deumque ferventius orat, & pugnat alacrius. Oportet autem desiderium perfectionis efficax esse & quotidie crescere, ita ut impellat ad opus, & nunquam minuatur. Non sufficit perfectionem laudare, & alii commendare, sed manus operi admovenda est, ne ex illis simus, qui imperfectiones, & peccata ut aliena detestantur, non ut sua. Tunc vero homo perfectus erit, cum animam suam Deo exhibuerit puram, nudam, simplicem, sine malitia, sine affectu ad creaturas, & avulsa ab omni terrena delectatione.

§. XXXVIII.

De ordine Charitatis.

ILLE justè & sanctè vivit, qui rerum integer aestimator, ordinem servat in dilectione, sedulè advertens, ne aliquid diligit, quod non sit diligendum, aut non diligit quod diligendum est, aut amplius diligit quod minus diligendum est, aut æquè diligit quod vel minus, vel amplius dili-

diligendum est, aut minus vel amplius quod aequè diligi debet. Ideò virtutem nihil aliud esse, quam ordinem amoris, peccatum verò inordinationem amoris viri sapientes definierunt. Sunt quidem & alii affectus, sed omnes ex amore veluti ex fonte procedunt, & si est ordo in amore, omnes affectus ordinati sunt; si non est ordo in amore, in ipsis quoque nullus ordo sed perversitas, & perturbatio est. Non est enim virtus in hac vita, nisi ordinatè diligere quod diligendum est. Id eligere prudentia est: nullis inde averti molestiis, fortitudo est: nullis illecebris, temperantia est: nullà superbiā, justitia est. Talis est autem ordo amoris, qualis est ordo rerum: ita ut ante omnia & super omnia diligendus sit Deus, quo nihil melius, nihil sublimius nec inventari, nec cogitari potest. Ipsum amando mores nostros corrigimus, ut puri puro adhærere valeamus. Mores nostri ex eo quod diligimus dijudicantur: non enim faciunt bonos, vel malos mores, nisi boni vel mali amores. Tenet autem anima, & servat ordinem amoris, si totis viribus diligat quod supra se est, id est Deum: socias verò animas tamquam seipsum. Hæc est lex dilectionis, ut homo diligat Deum, & proximum, & seipsum. Nullum verò præceptum datum est illi de diligendo seipsum, quia nemo seipsum servato ordine rectè amat, nisi Deum diligendo, à quo vis, & modus amandi desumi debent. Sicut homines amare debemus, vel quia justi sunt, vel ut justi sint: ita & semetipsum amare quisque debet, aut quia justus est, aut ut justus sit. Qui se aliter diligit, injustè se diligit, quoniam se diligit ut sit injustus; qui autem diligit iniquitatem, odit animam suam. Nemo igitur se diligere debet propter se, sed propter illum, qui rerum omnium finis ultimus est, & summum bonum, cui toto affectu inhærente debemus. Nam si se diligit propter se, non se refert ad Deum, & averlus ab incommutabili bono, seipso fruiatur, transgrediens regulam dilectionis divinitus constitutam. Mandatum quippe accepimus amandi Deum toto corde, totâ animâ, totâ mente, ut omnem vitam, & intellectum, rotumque affectum Divinæ dilectioni impendamus; & si quid aliud diligendum in mentem venerit, illuc referatur, quò totus amoris impetus currit. Proximum verò diligere quisque debet sicut seipsum, totam sui, & illius dilectionem in Deum referens, ut etiam proximus Deum diligat toto corde, totâ animâ, totâ mente. Cum ergo præcurrat dilectio Dei, ita ut cætera, quæ diligenda sunt, in ipsum

confiant, ille præ omnibus, & super omnia diligendus, reliqua verò in ipso, & propter ipsum, ut amor noster ordinatus sit.

§. XXXIX.

De dilectione Proximi.

Nec Deus sine proximo, nec proximus sine Deo diligi potest: mandatum enim habemus à Dto; ut, qui diligit Deum, diligat & fratrem suum. Si quis dixerit, quoniam diligo Deum, & fratrem suum oderit, mendax est. Qui enim non diligit fratrem suum quem videt, Deum quem non videt, quomodo potest diligere? (1 Ioan. 4:20) Qui verò præcipit ut proximum diligamus, nullum hominem excipit, non vitiosum, non pauperem, non extraneum, non inimicum. Omnes sincerè amandi, cujuscumque conditionis sint, de corde puro, & fide non fictâ, non verbo & lingua, sed opere, & veritate, (1 Tim. 1:5. 1 Ioan. 3:18.) quia probatio dilectionis exhibito est operis. Sicut Christus dilexit nos, & tradidit semetipsum pro nobis, non quia aliquid in nobis dignum amore repererit, sed ob amorem, quo diligebat Deum; ita nos in Deo, & propter Deum omnes diligere debemus, ea puritate, qua nos invicem diligemus in cœlo, nullâ habitâ ratione bonorum, qua in ipsis eluent, nisi quatenus à Deo procedunt, & ad ipsum referuntur. Viri justi tantâ inter se charitate conjuncti sunt, ut, quod quisque in se non habet, hoc in alio se habere læetur: & si quid amplius præ cæteris habeat, id in alios libentissime effundat. Sicut per amorem, quo Deum diligimus, omnes ei adhæremus, & unus cum eo spiritus efficiuntur; ita per amorem proximi omnes ad invicem unum sumus, ut bonum singulorum omnibus commune sit, & quod quisque in se non habet, in altero possideat. Sic omnia mandata servantur, sic impletur omnis justitia. Charitas enim verissima, plenissima, & perfectissima justitia est. Charitas inchoata, justitia inchoata est: Charitas proœcta, proœcta justitia; perfecta Charitas, perfecta justitia, quæ tunc maxima est in hac vita, quando pro ipsa contemnitur.

§. X L.

Quis sit modus fraternæ dilectionis.

Modus amandi proximum duobus præceptis continetur: Alteri feceris, quæ tibi vis fieri:

fieri: Alteri ne feceris, quæ tibi fieri non vis. Serio igitur in conspectu Dei debet unusquisque examinare, quidnam sit quod ab aliis sibi fieri vel non fieri velit: & si ipse à nemine sperni, si cæteros sibi compati, suosque defectus patienter ferre & bene de se loqui optat: hæc eadem officia illis præstabit. Cordis perversi indicium est, cum aliis ea facimus, quæ pati ab illis nolumus. Verus Christi discipulus amores aliorum non disquirit, sed eorum discussionem illi committit, cui Pater dedit omne judicium. Propria mala cognoscere satagit, & his extirpandis incumbit. Se solum districtè judicat, quem omnium pessimum credit. Semper animo tranquillo est, quidquid viderit vel audierit: nam si bonum illud fuerit, Deum collaudat: si malum, vertit illud in bonum, mentem ab eo avertens, & ad Deum elevans, idque pacificè absque ulla anxietate, & commotione. In corrigendis aliorum vitiis, si ipsi ex officio incumbat, vel fraternalæ correctionis præceptum urgeat, zelum habet suavem, benignum, & alienæ infirmitati compatientem: contraria enim charitati est omnis acerbitas, & perturbatio. Excusat, si potest, quæ minus rectè ab aliis fiunt, & abstinet à censura: scit enim res humanas hujus conditionis esse, ut nihil adeò sanctum sit, quod aliquā ex parte damnari non possit, si velit homo censuræ sua laxare habendas, & quidquid occurrit, in deteriorem partem interpretari. Vitia sunt ubi sunt homines, à quibus summa exigere perfectionem nihil aliud est, quā sub specie zeli propriae impatiencie blandiri, quæ nihil inordinatum, aut molestum potest in aliis tolerare. Nunquam proficiet, qui in vita aliorum judicanda occupatur.

§. XL I.

Quæ sit vera amicitia.

Consistit amicitia in bonorum communicatione, ex quo sequitur, ut talis futura sit, qualia sunt bona quæ sibi mutuò amici communicant. Vera autem bona nulla sunt, nisi æterna & supernaturalia, in quorum communicatione vera & stabilis amicitia fundatur. Carnalis amicitia facilimè dissolvitur, quia spiritus sensu alligari non potest: spiritualis vero non rumpitur, quamvis enim inter amicos aliqua interdum contingat irritatio, charitas Dei omnem contentionis asperitatem suâ dulcedine

vincit, & absunit. Noxia porrò est & fugienda illa amicitia, quæ personæ dilectaæ mentem affigit; cuius primi motus omnino extinguendi, ut dulci quodam veneno mentem inficiant. Hæc facile deprehenditur, cum omnes cogitationes & affectus in eo qui diligitor jugiter occupantur: cum in ipso tanquam in centro quiete cor, atque illi veluti idolo omnes actiones nostras immolamus. Neque obest, quod hujusmodi amicitia innoxia & pura videatur, nam paulatim emollit cor, ac tandem in carnem definir. Viri probi semper maturi, graves, & compositi sunt, omnibus benigni, nemini blandi, paucis familiares. In eorum conversatione eluet modestia, prudentia, severitas, & justitiae rectitudō. Ipsorum vita interior est, neque foras se profrent verbis, aut exercitiis. Quia verò necessarium est, aliquando cum hominibus versari, visa & audita statim ab animo excludunt, Deoque soli adhærent. Cum illis prudenter agunt, qui diversā ambulant viā, finemque diversum habent, ac diversa principia: quia dispare professione, dispare quoque affectu sunt; nec simul convenire queunt homo terrenus & cœlestis, neuter siquidem alterius loquela intelligit. Sicut peste infecti sibi approquinantes solo affluti inficiunt, ita in carnalibus hominibus contagio quædam latet, quæ statim adstantes contaminat, nisi procul ab eis recedant. Nemo æger curatur eo, quod sano appropinquet; sani autem si pestilentia affectis adhærent, eadē labē inficiuntur.

§. XL II.

Quæ officia amicitiam concilient.

Omnes homines naturali quodam instinctu aliis placere, & ab illis amari concupiscunt, omnemque industriam adhibent, ut diversorum sibi amicitiam concilient. Sed hæc stabilis & sincera nunquam erit, nisi Divinus amor eorum animos simul connectat. Amicitia, quæ humanis dumtaxat officiis comparatur, mercaturæ quædam species est tam diu permanens, quamdiu hinc inde aliquid utilitatis percipitur, aut expectatur. Comitas & urbanitas, quam summo rigore ab amicis exigimus, ludus verborum est, & vanitas, ac mera deceptio. Etenim qui profusius & elegantius hujusmodi officia præstare solent, multa quidem spondent; sed cum aliquid ab illis petitur, tunc demum appetret, quam inanis fuerit ille verborum apparatus.

N Nihil

Nihil in his verum, nihil solidum, nihil sinecsum. Quod si homines Deum ex toto corde diligenter, proximum quoque amore non sicut profequerentur. Summa est inter illos pax, nullæ lites, nulla divisio, nulla discordia. Nemo propriæ voluntati adhæreret, sed soli divinæ: cuius amor, ubi est, ita mentes unit, & afficit, ut unusquisque velit, quod alter vult, & omnes simul quod vult Deus. Nam cum omnia desideria nostra ad id, quod à nobis præ cæteris diliguntur, veletu ad centrum tendant: si in omnibus Dei amor dominaretur, una quoque in omnibus esset voluntas, unus amor, unio perfecta. Sed quia singuli se ipsis amant & propria commoda, (diversi sunt autem singulorum fines, & affectus) inde fit, ut nemo proximi bonum & excellentiam astringat, si nulla ex eo utilitas ad se derivetur. Sit aliquis subtilissimus Philosophus, insignis Mathematicus, omni eruditione & virtute referens: pauci eum diligunt; at si divitiae astutæ, si prodigia manu eas effundat, omnes post eum currunt, qui nimis scientiam & virtutem pauci diligunt, omnes pecuniam. Hinc autem bella, dissensiones, & inimicitia oriuntur, quia unusquisque alterius bona odio habet, cum propriis commodis adversantur. Nemo scipsum amat, quatenus est homo communem habens cum cæteris humanitatem, sed solum se respicit, seque ab aliis segregat, nec cum cæteris hominibus, sed secum solummodo convenit: & quia amorem suum ultra se non extendit, ejus participes alii non sunt, nisi quatenus ad ipsum referuntur, & illi deserviunt. Hæc considerans vir sapiens, quamvis scienter nihil committat, per quod justè in odium aliorum meatur incurere: à vanis tamen mundanorum hominum amicitiis abhorret: gratissima est illi solitudo, suave silentium, dulcissima cum Deo colloquia, in quo solo omne gaudium reperit, omnem jucunditatem, omnem consolationem.

§. X L I I .

Occasiones exercenda erga proximum charitatis.

Xercendæ erga proximum charitatis numeroq[ue] desunt occasiones. Tot enim sunt hominum misericordie, aut corporales aut spirituales, ut vix possimus vel gressum movere, vel oculos vertere, quin multi occurramur ope nostrâ indigentes. Et primo quidem auxilio, & orationibus nostris indigentes. Et primò quidē auxilio & orationibus nostris indigent viri justi, in Deo largiente in justi-

tia perseverent; cum plura magnoru[m] virorum habeamus exempla, qui levissimâ tentatione seduti à gratia Dei, & à spe vitæ aeternæ miserabiliti ruinâ exciderunt. Tanta est naturæ laplæ fragilitas, tanta rabies daemonis, tanta carnis rebellio, tanta vis pravorum habituum, tanta mundi corruptela, ut nemo securus esse queat. Egent deinde operâ & subsidio nostro, qui peccati nexibus sunt irretiti, pro quibus orandum, ne compurrescant in fæcibus suis: neque enim excitari, & surregere suis viribus possunt, nisi respiciens de excelso celorum habitaculo omnipotens Deus manum porrigit adjutricem. Eodem malo premuntur omnes infideles, quorum innumerabilis turba quotidie ad inferna descendit. Misericordia vero corporales infinitæ sunt. Multi fame, siti, nuditate, aere alieno, litibus, infirmitatibus vexantur. Alii inimicitiis, persecutionibus, calumniis, amissione bonorum, carcere, captivitate, aliisque calamitatibus torquentur. Nec minor illorum miseria est, qui inter spem & metum cum morte luctant, in formidabili momento positi, à quo pendet aeternitas. In maxima denique necessitate versantur animæ defunctorum, quæ acerbissimis penitentiis cruciantur, quorum tota spes in viventium suspirans sita est. Ad hos omnes charitatis nostræ & misericordiae actus, quantum Deus derit, extendendi sunt, eleemosynis, consilio, orationibus, aliisque remedii, & officiis salutaribus. Christus sibi accepta refert quæ illis impendimus beneficia, & de his in novissimo die copiosam nobis mercedem reddet.

§. X L I V .

Amandos esse inimicos.

Heroica virtus, & Evangelicæ legis perfectio est dilectio inimicorum, quam Christus promulgavit dicens: Ego autem dico vobis, diligit inimicos vestros, benefacite his qui oderunt vos: orate pro persecutibus, & calumniantibus vos, ut sis filii Patris vestri, qui in celis est, qui solem suum oriri facit superbonos & malos, & pluit super justos, & injustos (Matth. 5: 44.) Durum hoc edictum carni, & sanguini, ac propterea legislator mentes erigit ad coelestia, ut sis, inquit, filii Patris vestri, qui in celis est: ut nimis carnali nativitate posthabitabit, secundum illam vivamus, quæ in Christo regenerati sumus. Exigit autem non solum ut diligamus inimicos, sed ut illis insuper beneficia impendamus, bene semper de illis & sentiamus, & loquamur, & pro ipsis oremus, alioquin nec Pater noster dimittet

mittet nobis peccata nostra, ut idem Dominus comminatus est (*Matth. 6: 15:*) Apostolus quoque ait, *Si esurierit inimicus tuus, ciba illum: si fit, potum da illi.* Tum sequitur, *noli vinci à malo, sed vince in bono malum* (*Rom. 12: 20:*) Ne vincatur ab hominibus, non est in nostra potestate, sed ne vincamus à malo; id in nobis positum est. A malo autem vincitur, qui mala sibi inferentes odio habet: vincit in bono malum, qui eos sincera, & ex corde tamquam insignes benefactores diligit: & si in mala incident, eis compatitur, eorumque necessitatibus gaudenter & liberaliter succurrat. Hanc veritatem charitas facilis persuadet, quā omnia sapientum argumenta. Non igitur timenda sunt mala, quae verbis vel factis inferre nobis homines possunt; sed illa potius timenda, quae ipsi nobis irrogamus odio erga illos, impatiens, & appetitu vindictæ. Sola charitas nos invincibilis, & omni malo superiores facit. *Aqua multæ adversitatum & persecutionum non poterunt extinguere charitatem, nec flamina obruent illam* (*Cant. 8: 7:*) Magnum autem incendium oportet esse, quod inundationibus aquarum resistit.

§. XL V.

Verum bonum amandum.

DEx nobis summum bonum est, quem jubemur diligere toto corde, totâ mente, totis viribus: & hoc omnino tendendum est, nec aliud ultra quærendum: hoc omnia consilia nostra referenda sunt. Amor enim summi boni omnem in se servitutem complectitur: temperantia siquidem amor est, hominem in Deo integrum & incorruptum servans: fortitudo est amor constanter omnia perferens propter Deum: justitia est amor Deo soli serviens, & ceteris, quae sub Deo sunt, bene imperans: prudens denique amor est ea bene discernens, quibus adjuvatur, ut ad Deum pergaat, ab iis quae illum impedit impedi possum. Ipsum vero summum bonum non intuitu mercedis, aut proprii commodi; sed propter se amari debet, propter suam bonitatem, quā nihil melius esse potest, cum sit infinita, & finis omnium. Ideo perfectus Dei amor esse censetur, cum omnia bona propter ipsum amantur, à quo & per quem sunt bona: cum amatur sine modo, ita ut voluntas, licet non dequiet, saltem attingat, quantum fieri potest, summam ejus & immensam bonitatem, nullum modum vel termi-

num ponens in ejus dilectione: cum denique amatur super omnia, quia omne aliud bonum divinae bonitati comparatum quasi nihil reputatur. Summoperè autem cavendum est, ne sensibilium bonorum usu & consuetudine voluntatis, vigor & energiæ in Dei amore sensim dissolvatur. Etenim ad æterna & intelligibilia, quia a sensibus remota sunt, tardiores sunt affectus: ad sensibilia autem incitationes, tametsi illa pluris astimentur. Deinde natura seipsum querit, & cum vaferima sit, tot fraudes, ut nos decipiatur, torque recessus in quibus lateat, cominiscitur; ut vix possimus laqueos ejus evitare. Sicut vas plenum accipere nequis quod non habet, nisi prius effundat, quod haber: sic malus mundi amor à nobis excludi debet, ut bono Dei amore repleamur. *Nolite diligere mundum,* inquit Apostolus, quem diligebat *JESUS, neque ea, quæ in mundo sunt* (*1 Io. 2: 15:*) quibus verbis prohibemur non ita diligere ista, quae fecit Deus, ut Creatoris obliviscamur. Pulchra videntur ista, sed quād pulchrior est, qui fecit illa! Ista nobis tradidit Deus, ut iis propter ipsum utamur, ipso autem fruamur. Qui extra Deum bonum suum querit, nunquam inveniet. Qui vero Deum super omnia diligit, ab ipso quoque diligitur: & si ipse nos diligit, quid boni poterit nobis deficere? Porro ipse semper nos diligit, si ab ejus amore numquam cessemus.

§. XL VI.

Amor Dei in quo consistat.

IN hoc præcipue Dei amor eluet, cum multa pro illo gaudenti animo patimur. Amare enim est pati, & magis amat, qui magis patitur. Apostoli ibant gaudentes à conspectu concilii, quoniam digni habiti sunt pro nomine IESU contumeliam pati. Affactus teneri erga Deum, arque inde profilientes lacrymae nature effectus sunt, quae ad effectus proclivior est. Veræ virtutes, & solida gaudia ab amore pratico, & obedientiali oriuntur. Qui enim amat, propenso animo, & summa jucunditate, illi, quem amat, in omnibus obsequitur, non timore pœnæ, sed amore iustitiae: & si quid grave, vel durum sensibus illi præcipitur, hoc amor levissimum, & gravissimum reddit. Nec aliam ob causam Scriptura testatur (*1 Ioan. 5: 3:*) præcepta Domini

N 2 gravia

gravia non esse, nisi ut anima, cui gravia videntur, intelligat se nondum perfectè amare, & à Deo gratiam petat, quā levia & suavia fiant. Laborant in custodiendis Dei præceptis, qui solo timore quæ justa sint operantur: sed perfecta charitas foras mitit timorem (1 Ioan. 4: 18.) & levem facit sarcinam legis non solum non prementem, sed instar peniarum in excelsa sublevantem. Servus, qui diligi Dominum suum, ejus præceptis libentissime obtemperat, & quo gravius est ac difficilius, quod jubetur, eo libenter illud exequitur, etiam si durissimi labores sustinendi sint, quia nimurum nihil grave, nihil durum amanti videtur. At servus nequam, qui dominum non amat, sed timeret, ipsius mandata parviperit, variisque coloribus & integumentis à præstandis domino obsequiis se subtrahere satagit, & ejus iustiones eludere. Sic verò Dei amore carere convincitur, qui humanis ratiocinationibus à legis obligatione eximere se studet, laxiores querens opiniones, & magistros pruriētes auribus, qui, ut noxiæ libertati hæveant, mandata Dei & Ecclesiæ tot limitationibus convellunt, ut vix remaneat præcepto locus. Vivunt itaque homines non sicut oportet, sed sicut volunt; quia tamen sunt de humanis actibus opiniones, ut ferè liceat quidquid lubet. Ante horrendum Tribunal Christi non ex placitis hominum, sed ex lege Dei & ex veritate judicabimur. Ibi nulla opinio erit, sed nuda veritas. Scio quidem, non omnem probabilitatem damnandam esse; sed vereor, ne, quod multis probabile videtur, falsum omnino in extremo iudicio inveniatur: vereor, ne nimia opinandi libertas multos ducat in perditionem. Hæc autem non intelligit, nisi qui Deum diligit ferventi amore, semper parato ad obedendum ei: anima enim per charitatem se totam transfundit in Deum quem amat, sitque ex ipso & anima unus spiritus, una voluntas, sicut dicit Scriptura, Deus charitas est, & qui manet in charitate in Deo manet, & Deus in eo (1 Ioan. 4: 16.) Ab hac unione verum gaudium procedit, quo anima ineffabili jucunditate perficitur, bonum illud possidens quod amat; atque illi ejusque mandatis ac nutibus firmiter adhæret: quia ab ipso, per ipsum, & in ipso omnia sunt que possunt desiderari. Hoc autem indicio cognoscet homo se Deo adhædere, & unitum esse, cum omne ipsius studium, omne desiderium, omnis conatus, quidquid sperat, quidquid videt, quidquid loquitur, quidquid intelligit, Deus est.

§. XLVII.

Quis sit modus perfecti amoris.

In natum est omnibus hominibus sciendi desiderium, & quo plura quisque cognoscit, ed amplius scientiæ appetitus crescit: cunque ad illud fastigium pervenerit, ut se omnia scire atque altissima de Deo se percepisse arbitretur: summâ lætitia & voluptate perfunditur, & scientiam amat tamquam rem optimam, qua rante lætitias causa est: atque inde fit, ut ipsum cognitionem magis amet, quam illud, quod cognoscit. Sic Philosophi, cum cognovissent Deum, non sicut Deum glorificaverint, sed evanuerunt in cogitationibus suis, seipso suamque scientiam amantes, non Deum. Simili modo inter Christianos multi sunt, qui scientiam de Deo, ejusque amorem pluris aestimant, & magis amant, quam ipsum Deum, & ejus beneplacitum. Difficile quidem est speculum affabre factum intueri, quin homo seipsum in eo videat: sed cum Deum quasi speculum lucidissimum contemplamur, licet fieri nequeat, quin & nos ipsos in illo, qui videt omnia, videamus; in amore tamen divina pulchritudinis & bonitatis persistendum est, nullâ habita ratione ipsius visionis, & delectationis, quæ ex ea emanat. Alioquin nos ipsos amamus, cum maximè credimus Deum amare. Deus spiritus est, & actus purissimus, ipsumque oportet in spiritu & veritate adorare, & diligere; quod tunc recte & purè fit, cum ipsum singulariter diligimus propter se, suamque summan bonitatem, nullo modo ad nos ipsos, nostraque comoda & delectationem respicientes.

§. XLVIII.

Scientiam practicam & experimentalem magis conferre ad amorem, quam speculativam.

Iicut rusticus omnis doctrinæ & literarum expers, qui solem quotidie cernit, ejusque luce & calore fruitur, lumen intensius diligat, quam cecus multâ scientiâ præditus, qui de luce ejusque causis & effectibus plura didicerit ex placitis Philosophorum: ita Deum magis diligit simplex, & pius homo ex cognitione practicâ fidei, quam subtilissimus Theologus ex sola speculacione. Sicut etiam vir doctus & eruditus in regio-

ne



ne septentrionali, in qua nullæ sunt vites, & nemmo vinum bibt, de vineæ culturâ, deque vini potu, ejusque effectibus & proprietatibus copiose poterit & acutè differere: sed quia vinum nunquam gustavit, practicè nesciet quid sit vînum, quomodo lâtificet cor hominis, quomodo iubet; nec eam vini notitiam aliquando affectetur, quam rusticanus vînitor habet, qui vinum quotidie bibit: ita planè contingit, ut aliquis de plebe, qui nec legere quidem noverit, altius de Deo rebusque divinis scientiâ experimentalî loquatur, quam vir magni nominis, qui totum vitæ suæ tempus in studiis Theologicis consumperit. Experientia siquidem speculationem, amor scientiam excedit; multòque facilius pervenitur ad Deum affectu, quam cognitione. Omnes igitur animæ vires affectui potius & orationi, quam doctrinæ applicare oportet, si ardentissimum Dei amorem citoles consequi desideramus. Amore potius quam scientiâ sublimiorem Dei notitiam comparamus, quia amor ipse notitia est, & amando vehementius in contemplatione defigimur, per quam clarius atque splendidius eum intuemur. Ipsum amando minus laboramus, illi magis obsequimur: nam cognitio, quam de illo consequi possumus, in hoc exilio certis & angustis limitibus conclusa est; amare autem possumus quantum volumus, quantum scilicet ipse dederit, qui sine modo amari desiderat; nec ullus amori terminus præfixus est. Pleisque tamen stulto errore decepti malunt semper querendo numquam Deum invenire, quam amando possidere.

S. XLIX.

Veram Sanctitatem in amore Dei consistere.

Mandatum habemus à Deo ut simus sancti: *M*ait enim, sancti eritis, quoniam ego sanctus sum (*Levit. 11: 45*.) Est autem sanctitas ab omni labore libera, & omnino perfecta, & omni ex parte immaculata puritas. Sic enim res omnes ex mistione pejoris & inferioris fortes contrahunt, & polluantur, ut argentum ex mistione plumbi, vestis aspersione lutis: ita anima impurifit & immunda, cum rebus infimis adhæret, nec prorsus pura ac sancta esse potest, nisi à cunctis rebus creatis avulsa sit. Consistit igitur sanctitas in omnimoda puritate, & in immobili cum Deo unione, que arctissimo amoris nexus perficitur; cum expurgata anima ab omni rubigine terrenorum affectuum, cunctisque rebus celstior eam ju-

sticæ perfectionem adepta est, ut verè & securè atteat dicere cum Apostolo, *Quis me separabit à charitate Christi?* tribulatio? an angustia? an famæ? an nuditas? an periculum? an persecutio? an gladius? Certus sum enim, quia neque mors, neque vita, neque angelus, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit me separare à charitate Dei, quæ est in CHRISTO JESU Domino nostro, (*Rom. 8: 35*.) Jejunia, eleemosynæ, castigatio carnis, usus Sacramentorum, & aliæ ejusdem generis exercitationes ad consequendam sanctitatem plurimum valent, sed sine charitate nihil proficiunt, quamvis in cibos pauperum omnes facultates distribuantur, & proprium corpus igni tradatur, ut docet Apostolus (*1 Cor. 13: 3*.) Potest etiam in aliis virtutibus aliquando dispensatio locum habere, quoniam infirmi à jejunio, pauperes à danda eleemosyna, debiles à corporis afflictione sèpè eximuntur; at à precepto charitatis, quæ omnium preceptorum finis est, & Christianæ legis plenitudo, nemo immunis est, nemo quacunque cogente vi, sive necessitate aut impediri, aut excusari potest, quin Deum amet, & ad eum jugiter aspiret. Paupertas, ægritudo, & alia impedimenta, quæ cæterarum virtutum exercitationi obicem ponunt, amori pabulum subministrant. Intus est dilectio, in corde, in voluntate; & quod à nobis super omnia requirit Deus, in nobis ipsis collocavit. Hoc est illud unum, quod solum est necessarium, & solum sufficit, ut sancti simus. Hoc maximum, & præcipuum mandatum cæteris suavius & facilior: quid enim jucundius, quam amare? & quis est, qui audeat dicere, non possum amare? Qui verò Deum amat, qui unus est, is omnia amat in uno, & unum in omnibus: & si aliquid aliter amat, quam in uno & proper unum, is Deum non amat, quia aliquid amat, quod Deus non est. Deo nihil superior est, nihil æquale: ideo mens ab illo averti nequit, nisi ad inferiora, & sensibilia convertatur, à quibus elevari numquam poterit, nisi à terrenis emergens, quæ pondus animæ sunt, iterum revertatur ad illum, à quo infeliciter recesserat. Ut igitur sancti simus, necessarium est à nobis ipsis recedere, & ab omnibus, quæ extra Deum sunt, & ad illud principium regredi, à quo profluximus, totaque virtute illi adhædere: nam ibi unum cum uno erimus, una vita, unus spiritus, una felicitas.

N 3

§. L.

§. L.

Multi sunt vocati, pauci electi.

NULLUS acrior stimulus pravis moribus corrigit, vitæque nostræ ad normam Euangeliæ instituendæ quam illa horribilis, & tremenda sententia, *Multi sunt vocati, pauci verò electi.* (Matth. 20: 16.) si tamen ejus sensum intimè penetremus. Nemo enim scit, an illâ vocatione sit vocatus, quâ secundum propositum illi votati sunt de quibus scriptum est, *Quos vocavit illos & justificavit: quos autem justificavit illos & glorificauit.* (Rom. 8: 30.) Nemo scit, *urum amore,* an odio dignus sit, sed omnia in futurum servantur incerta. (Ecl. 9: 1.) Nemo scit, an ita vocatus fuerit, ut in vocatione sua usque ad finem perseveret. Ad quod profundum secretum cum pervenisset Apostolus, quasi quodam ipsius altitudinis horrore percussus exclamavit, *O altitudo divitiarum sapientie, & scientia Dei: quâm incomprehensibilitas sum judicia ejus & investigabiles via ejus.* (Rom. 11: 33.) In tanto igitur salutis discrimine, in tanta perseverantiae incertitudine, continuo horrore concuti debet omnis Christianus, satagens cum timore & tremore certam facere vocationem suam, ut in fide vivens, quæ per dilectionem operatur, bonis operibus ostendat se ad illorum exiguum, & beatissimum numerum pertinere, quos misericorditer elegit Deus ante mundi constitutionem. Exiguum verò esse numerum electorum, & multò minorem quâm sit numerus reproborum, etiam si de solis orthodoxæ fidei cultoribus, exclusis parvulis, qui ante usum rationis obheunt, sermo sit; infallibili scripturarum testimonio multisque indiciis, & rationibus, atque ipsâ experientiâ evincitur. Nam idèo discipulos suos admonuit Christus multi laboris esse, & extremæ difficultatis viam salutis ingredi, ad quam non nisi per angustam portam patet accessus. *Intrate, inquit, per angustum portam: quia lata porta, & spatiosa via est, que ducit ad perditionem, & multi sunt, qui intrant per eam.* Tum quasi admirans subdit: *Quâm angusta porta, & arcta via est, que ducet ad vitam: & pauci sunt, qui inveniunt eam!* (Matth. 7: 13.) Interrogatus etiam apud Lucam, si pauci sunt, qui salvantur: respondit: *Contendite intrare per angustum portam, quia multi, dico vobis, querent intrare, & non poterunt* (Luc. 13: 3.) Rex David cum quæsisset à Domino,

Quis habitabit in tabernaculo tuo? (Psal. 14: 4) Spiritu sancto responsum suggesterente ait, *Qui ingreditur sine macula, & operatur iustitiam: Item in alio Psalmo, Quis ascendes in montem Domini?* Innocens manib[us], & mundo corde. (Psal. 23: 1) *Quis autem potest dicere, mundum est cor meum, purus sum à peccato?* (Prov. 20: 9.) Aut quis audiet afflere se innocentem esse, & omni macula carere? Dicit Christus, *Qui non accipit crucem suam, & sequitur me, non est me dignus.* (Matt. 10: 38.) At Christi crucem quâm pauci amplectuntur? Audiamus Apostolum, *Omnis querunt quæ sua sunt, non quæ IESU CHRISTI* (Philip. 2: 21.) Qui autem Christum non querunt, reprobri sunt. Rursus ait Redemptor noster: *Amen dico vobis, nisi conversi fueritis, & efficiamini sicut parvuli, non intrabis in regnum cœlorum* (Matth. 18: 3.) Hoc verò si expenderit humana superbia, inveniet absque dubio paucissimos esse, qui per humilitatem & simplicitatem in naturam puerorum reverti studeant. Teltatur Apostolus, eos, qui secundum propositum vocati sunt Sancti, prædestinatos à Deo fuisse, ut conformes fierent imaginis Filii sui (Rom. 8: 29.) At quis est qui possit gloriari, vitam suam vitæ Christi conformatem esse? Quis est qui cum ipso patiatur, ut simul possit glorificari? Omnibus dictum est, *si vis ad vitam ingredi, serva mandata* (Matth 19: 17.) Omnes autem declinaverunt, simul inutiles facti sunt, non est qui faciat bonum, non est usque ad unum (Psal. 13: 3.) Regnum cœlorum vim pati, & violentos illud rapere cœlorum rex testatus est (Matth. 11: 12.) violentum verò cum sit contra naturam, in paucis contingit, unde fit, ut pauci omnino sint, qui viam sibi inferre velint, & illud regnum futurum à sensibus abstractum, & solo fidei lumine obscurè cognitum bono sensibili, & præsenti præferre. Quod si stellæ non sunt mundæ in conspectu Dei, quales erunt homines terræ affixi, & in densa seculi nocte viventes? Si omnes iustitia nostra folidissimæ sunt, ut ait Prophetæ, quales erunt iniustitiae, & iniquitates? (Isai. 64: 6.) *Si justus vir salvabitur, impius & peccator ubi parebunt?* (1 Petr. 4: 18.) In arca Noë pauci id est octo animæ salvæ factæ sunt, reliqua omnium hominum innumerabilis multitudo aquis diluvii interiit. Ex incendio famosum civitatum Loth solus cum uxore & duabus pueris evasit, cæteri omnes ultricibus flammis consumpti sunt. Ex sexcentis fere millibus Judæorum, qui egredi sunt de Ægypto, duo soli, Caleb & Josue in terram promissionis introrsus.

troierunt. Hæc autem in figura contingebant illis, ad ostendendum quām sit exiguis numerus electorum comparatione reproborum. Confirmari idem potest ex paucitate eorum, qui ex hac vita verè contriticedēdunt: quamvis enim multi videantur hominibus bene mori; dolor tamen de peccatis ex metu mortis procedens ad veram pœnitentiam difficillimè pertingit. Nam quomodo poterit bonam vitam inchoare peccator, cum ad ejus finem pervenit? Quomodo poterit super omnia mala detestari peccata, suasque delitias abominari, quas totius vitæ decurſu intensissimè adamavit? Quomodo ex animo pœnitentiam amplecti, à qua semper abhorruit? Quomodo statuerit efficaci decreto ea deserere, si vita superfit, quibus inyeterato uisu affluevit? Quomodo intellectus inter morbi, & mortis angores res supernaturales à sensibus remotas meditabitur, de quibus integris viribus aut numquam, aut non nisi obiter cogitavit? Quomodo vincet contrariis actibus anteaetæ vitæ consuetudinem in tantis dignitudinibus, temporis, & temptationum angustiis? Experiens didicimus, vix aliquem reperi, qui cessante periculo in proposito permaneserit. Redeunt omnes ad assuta, & eorum, quemut mortis vel amicorum exhortationibus, aut humana prudenter agere decreverunt, statim obliviscuntur: cum præfertim ne no ferè sit, qui etiam in extremis constitutus spem vitæ omnino abjectat, quā fraude multos decipit, & perdit dæmon. Acedunt languor animæ exire de corpore trepidantis, & omnium facultatum deperditæ vi-

res, quæ vix hominem sui compotem esse sint, adeò ut adstantium verba actus virtutum suggestum aut nullo modo audiat, aut sonum dampnataxat vocis sine sensu percipiatur. Bene quidem de illorum salute sperare licet, qui sub exitu vite signa dederunt pœnitentia, sed in his nulla securitas est, cuius rei luculentum exemplum Rex Antiochus præbuit. (2 Mach. 9.) Cum enim ad extrema devenisset, sub potenti manu Dei humiliavit se orans, & promittens illata Judæis damnata refarcire, templum exornare, spondens in super se de suis reditibus pertinentes ad sacrificia sumptus præstirum, & abnegatio ethnicismi se Judæum futurum, omnemque terram perambulatum, & prædicatum Dei potestem. Quis poterat à peccatore plura, & certiora pœnitentia signa exigere? Et hic tamen veniam non meruit, sicut dicit Scriptura, Orabat scelestus Deus, à quo non esset misericordiam confuturus, quia nimis ejus pœnitentia ex metu mortis procedens sincera non fuit. Quis haec considerans non contremiscit? Quis inter tot difficultates, & discrimina certam sibi salutem audebit polliceri? Quis non trepidabit ne sciens an amore, vel odio dignus sit? Quia igitur pauci sunt electi, & fortassis multo pauciores quam putamus, à multitudine recedendum est, & cum paucis sanctis, electis, & innocentibus vivendum, ut quisque possit vitâ peractâ, testimonium sibi perhibente conscientia, justo judici Deo dicere: redde mihi mercedem, quam promisi, quia feci quod iussisti.

Index Partis Prima de vita Christiana, ejusque fine, & officiis.

- | | |
|---|--|
| §. 1. DE tribus generibus Christianorum. Pag. 47 | §. 14. Via recta ad finem est, ut quisque suam ferat crucem. 54 |
| §. 2. Tertium genus Christianorum describitur. ib. | §. 15. Conditiones ultimi finis, & carab illo plerique aberrant. ibid. |
| §. 3. Peccatum originale causam esse omnium malorum. 48 | §. 16. Alia assignatur causa, ob quam multi ultimum finem non assequuntur. 55 |
| §. 4. Occasio, & scopus hujus Libelli. 49 | §. 17. Fides Dei sumus, & ejus spiritu vivendum nobis est. 56 |
| §. 5. Cui vita Christiana documenta multi discunt, pauci sequuntur. ibid. | §. 18. Iustus ex fide vivit. ibid. |
| §. 6. Regulas Evangelicae perfectionis non solis Religiosis sed omnibus Christianis traditas esse. 50 | §. 19. Fundamentum vita Christiana abnegatio sui rerumque omnium abdicatione. 57 |
| §. 7. Hujus Libelli utilitas, & exhortatio ad perfectionem. ibid. | §. 20. Insania hominum qui sponte damnari volunt. ibid. |
| §. 8. Quam necessaria sit Christiano ultimi finis consideratio. 58 | §. 21. Character veri Christiani. 58 |
| §. 9. Cum omnes velint esse beati, cur non omnes beati sint. ibid. | §. 22. Quomodo debet Christianus opera sua perficere. 59 |
| §. 10. Omnia ad Deum referenda esse pura intentione. 52 | §. 23. Debent bona opera propria vocationi convenire. ibid. |
| §. 11. Unde proveniat quod plerique à fine aberrant. ib. | §. 24. Quomodo Christianis vivendum sit. ibid. |
| §. 12. Decipimur specie recti. 53 | §. 25. Operas |
| §. 13. Humana vita carius, & perversitas. ibid. | |